

C40-4514



C40  
4514  
(32)

髫專魯誥冠討竺墳俱溺筌羃唯味  
糟粕幸於涪上針芬相投禪遇南宗  
逢斯典一言之下心地開通一軸  
天朗耀頃以道非常道諸行

心是佛心定當作佛然佛

百脩假多聞故復行詣百城坐

採羣籍講雖濫泰學且師安叨沐猶

吾之納謬當真子之印再逢親友彌  
佛恩人慨孤貧將陳法施採集般  
提挈毗尼發明唯識然

宜選對治海寶千般先求  
如<sub>大龍</sub><sub>見</sub>夫文富義博誠讓雜華指體  
投機無偕圓覺故參詳諸論反復百  
家以利其器方爲疏解冥心聖旨極

思研精義備性相禪兼頓漸勒成三  
卷以傳強學然上中下品根欲性殊  
今將法彼曲成從其易簡更搜精要  
直注本<sub>空</sub><sub>無</sub>卽事卽心日益日損者

大方廣圓覺脩多羅了義經直解卷上

唐罽賓國沙門佛陀多羅譯

明匡山逸叟憨山釋德清解

明新安 程夢暘覺我較閱

此經以單法爲名一真法界如來藏心爲體  
以圓照覺相爲宗以離妄證真爲用以一乘  
圓頓爲教相以單法爲名者論云所言法者  
謂衆生心圓覺二字直指一心以爲法體此  
有多稱亦名大圓滿覺亦名妙覺明心亦名

一真法界亦云如來藏清淨真心楞伽云寂滅一心卽起信所言一法界大總相法門體稱謂雖多總是圓覺妙心唯此一心乃十法界凡聖迷悟依正因果之本爲諸佛之本源號爲法身爲衆生之心地故名佛性一切諸法皆依此心建立故單以法爲名其大方廣乃此心法所具體相用三大之義然大卽體大謂此一心包法界而有餘擴太虛而無外橫該堅遍大而無外故名大也方卽相大又

方訓法也謂此一心爲衆生之佛性以有此性軌則一聞佛性便能生解長劫輪迴持而不失故曰軌物生解任持自性以無相真心而爲有相之法則故方爲相大也廣卽用大以稱此心體周遍無遺無刹不現無物不周故爲用大也以此法義圓備一心以此經中直指此心爲生佛迷悟脩證之本故云單法爲名也脩多羅是梵語此云契經以凡是佛所說之經通名契經謂是契理契機之教但

應機有大小爲小乘人說者名不了義經爲大乘人說者名了義經謂顯了究竟之極談以題中通指此經乃經藏中了義之經非不了義經也。上十字乃一經所詮之法義下一經字乃別指當經能詮之文字也。一真法界如來藏心爲體者經云入於神通大光明藏卽如來藏清淨心體平等不二故曰一真又云如法界性究竟圓滿是則名爲因地法行首稱大陀羅尼門卽一法界大總相法門體

爲諸佛之因地菩薩之行本故以此爲一經之體也以圓照覺相爲宗者經云一切如來本起因地皆依圓照清淨覺相永斷無明方成佛道故以爲一經之宗也離妄證真爲用者經云知是空華卽無輪轉又云知幻卽離離幻卽覺故以此爲用也一乘圓頓爲教相者以此經純談覺性圓脩三觀頓證一心雖列二十五輪但是一心轉換並無階級次第故以圓頓爲教相也然此五重乃天台釋經

之軌則攝盡全經之旨趣故學者開卷了此  
則恩過半矣

唐罽賓國沙門佛陀多羅譯

此翻譯名氏也罽賓乃西域之國號此云賤  
種以此國開土乃賤人自立爲君長故相傳  
爲名佛陀此云覺多羅此云救乃譯師之名  
也傳譯年代具載別傳

初序分

如是我聞一時

此下至平等法會總名證信序以諸經之首  
皆有此序名爲通序以阿難請問佛遺命立  
人言證法有所授也如是我聞者謂阿難結集  
法藏時口宣佛言謂如是之法我阿難從佛  
所聞非臆說也一時之言本無定指但是佛  
與弟子機感會集之時故凡說經皆曰一時  
婆伽婆

亦云薄伽梵乃梵音楚夏耳是佛之果號此

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

號從來不翻以含多義故不翻謂此一語且  
有六義一自在二熾盛三端嚴四名稱五吉  
祥六尊貴皆稱佛德若翻一名則攝義不盡  
故但存梵語耳此五不翻之一例也此爲說  
法主

入於神通大光明歲三昧正受一切如來光嚴  
住持

此說經處也佛有三身謂法報化所依土亦  
吸有三謂寂光實報莊嚴及方便有餘法身佛

依寂光土報身佛依實報土卽盧舍那佛住  
華歲土與地土菩薩說華嚴經化身乃釋迦  
佛依人間靈山舍衛精舍等處爲人天等說  
三乘法今說經處言大神通光明歲者乃常  
寂光土是法身所依言三昧此云正定正受  
者乃正定中受用意顯此經乃法報同體之  
法佛所說正定正受乃自受法樂之處也一切  
如來光嚴住持者言法性土乃諸佛所證常  
寂光土以光爲嚴非餘寶物莊嚴也以此寂

光乃法身之安宅故云住持卽此說處依真  
便非他佛餘處可比顯法最殊勝也

是諸衆生清淨覺地

此言寂光乃生佛平等之實際謂諸佛之安  
宅卽是衆生本有不迷之覺地此顯真妄不  
二之真境也

卷之三

此言寂光真境乃諸佛衆生若身若心皆同寂滅平等之實際此體深也圓滿十方謂用

廣言其用圓滿含裹十方廣大無外也不二隨順文倒應云隨順不二謂一切聖凡皆歸此中平等一際故云隨順不二

於不二境現諸淨土

上不二境乃諸佛自受法樂之地也以無身  
心之相何有主伴之分若無主伴無說無示  
則無說法之事矣今言從不二境現諸淨土  
者正顯從自受用現他受用土乃爲地上菩  
薩說自性法之報土此中乃有說聽然此土

中雖有說聽而如來尚在三昧未曾出定何以有說意顯此經乃法身如來所說之法顯示離心意意識境界相此正如來最勝清淨禪殊非他經可比也楞伽經中法身說法乃以法證佛此經以處證佛二經合觀良有深旨此從來所未達者請深觀之

與大菩薩摩訶薩十萬人俱其名曰文殊師利菩薩普賢菩薩普眼菩薩金剛藏菩薩彌勒菩薩清淨慧菩薩威德自在菩薩辨音菩薩淨諸

業障菩薩普覺菩薩圓覺菩薩賢善首菩薩等而爲上首與諸眷屬皆入三昧同住如來平等法會

此標伴衆列上首之名也十二大士舊解皆以三觀釋其名然各具其德似不必拘言皆入三昧者以佛乃卽法身之報相土乃卽寂光之報土況佛自入三昧說自性法豈有聽衆散心而可入耶故必入三昧然後可同住此平等法會也問曰主伴皆在三昧則無聽

矣將何以顯法耶答曰此不思議之妙法也昔空生巖中宴坐天帝散花讚爲善說般若空生曰我實無說天帝曰尊者以不說說我以絕聽聽如此說聽是真般若了此可信三昧中善說善聽也舊說菩薩旣有啓請威儀必有出入之文或譯人略之此說太拘豈不聞那伽常在定無有不定時豈獨佛常在定而菩薩便不定耶八地菩薩現三昧樂意生身而度生豈出定耶若執必出定而有聽受

計啓請則不起滅定而現諸威儀豈非菩薩之事耶因便及此學者識之

於是文殊師利菩薩在大衆中卽從座起頂禮佛足右繞三匝長跪叉手而白佛言計此經家敘置問法之威儀也計大悲世尊願爲此會諸來法衆說於如來本起清淨因地法行及諸菩薩於大乘中發清淨心遠離諸病能使未來末世衆生求大乘者不墮邪見

此正陳請辭也問有二意一問如來因地發心依何等法脩何等行而得成佛二問現在菩薩於大乘中已發清淨願成佛度生之心但不知如何用心脩行得正知見不墮偏邪之病若蒙開示則使未來末世衆生有發大乘心者卽依今日所說而脩則不墮於邪見矣此雖爲現在而問其實多爲未來之機此悲願之心也

作是語已五體投地如是三請終而復始

此叙置求法之懇誠也

爾時世尊告文殊師利菩薩言善哉善哉善男子汝等乃能爲諸菩薩諮詢如來因地法行及爲末世一切衆生求大乘者得正住持不墮邪見汝今諦聽當爲汝說自此讚善問誠聽許說也下倣此時文殊師利菩薩奉教歡喜及諸大衆默然而聽

此欣承法音冥心佇聽也下倣此以叙十二

大士請法之儀一一皆同其文最整故不重

善男子無上法王有大陀羅尼門名爲圓覺流  
出一切清淨真如菩提涅槃及波羅密教授菩  
薩一切如來本起因地皆依圓照清淨覺相求  
斷無明方成佛道

此直示本起因地也如來因地獨標圓覺一  
法而爲行本然稱此圓覺爲陀羅尼門者梵  
語陀羅尼此云總持謂總一切法持無量義

以此圓覺爲十法界大總相法門體 一切聖  
凡依正迷悟因果皆依此圓覺一心而爲建  
立以無一法而不具故曰總因果纖毫不失  
不壞故曰持一切聖凡無不由之故稱爲門  
流出者卽由此建立之義然此覺體爲諸佛  
之法身爲衆生本覺之心地雖染而不染故  
曰清淨從來不妄不變故稱真如但以無明  
障蔽而不現諸佛如來於因地依此本覺真  
心發始覺之智斷盡無明始本合一究竟

覺爲得菩提之果還歸寂滅一心名爲圓寂  
是稱涅槃是知諸佛果德皆依此圓覺一心  
建立故云流出然不獨佛果卽菩薩因地諸  
波羅密亦從此出故云及也以諸佛之因地  
爲菩薩之行本故云教授是故一切如來成  
佛本起之因地更無別法皆依此圓覺自性  
之光明還照寂滅清淨之覺體相卽性體也  
以此圓滿照徹無遺則無明永斷圓證法身  
唯此一法而已故曰皆依圓照清淨覺相末

斷無明方成佛道也然圓照卽一心三觀之  
智清淨覺相卽一心三諦之體全經但發明  
此一句而已一問曰此云有大陀羅尼門名  
爲圓覺流出一切云云等與首楞嚴云有三  
摩提名大佛頂首楞嚴王等語勢似同義有  
何別答曰語雖似同義有少別以此經直指  
覺體爲因地心彼經以首楞嚴大定爲成佛  
初心之方便此體彼用爲不同耳然所同者  
彼經先以不生滅心爲本脩因依之建立首

楞嚴大定然不生滅心卽此覺體彼首嚴定  
 卽此圓照清淨覺相以此圓照卽彼大定此  
 中覺相卽彼不生滅心攝用歸體究竟無二  
 故皆爲成佛之本。問曰佛言圓覺陀羅尼  
 門爲如來本起之因地又曰清淨真如則爲  
 衆生不迷之佛性又曰皆依圓照清淨覺相  
 則本無無明可斷也忽曰永斷無明方成佛  
 道則義不相蒙敢問其旨答曰此義幽深  
 非麤心可擬請試言之然圓覺妙心乃諸佛

衆生平等無二之法身也以法身流轉五道  
 名曰衆生然清淨真如乃諸佛之法身衆生  
 之佛性良由最初一念無明不覺迷此法身  
 而成五蘊幻妄之身心則本有圓覺而爲不  
 迷之佛性以煩惱不能染故曰清淨本來不  
 妄不變故曰真如故清淨真如一語直指衆  
 生迷中之佛性也以諸佛因地同是衆生但  
 能依本覺之佛性發起始覺之智斷盡無明  
 始本合一名得菩提還證寂滅一心故曰涅槃

槃是則諸佛菩提涅槃之果德皆從迷返悟  
脩而後得故曰未斷無明方成佛道然脩斷  
之方皆依圓覺自性之智光還照寂滅清淨  
之心體故曰圓照清淨覺相以自性光明一  
照則無明頓破故曰未斷此實成佛之秘訣  
頓悟頓證之妙門爲如來因地之法行此經  
直指一心圓頓之旨故首揭於此爲一經之  
宗趣語義幽深非淺識可了故特發之

云何無明

此徵釋無明之體將顯圓照之功也此徵下  
釋名自卦底真數卦數卦起此妄齊  
善男子一切衆生從無始來種種顛倒猶如迷  
人四方易處妄認四大爲自身相六塵緣影爲  
自心相譬彼病目見空中華及第二月  
此釋無明之元也謂衆生本有法身元無生  
死今因最初一念不覺之無明迷本來之佛  
性起貪嗔痴造種種業妄取六趣之生死故  
云種種顛倒雖在往來生死之中而法身湛

然不動故如人迷方而方實不轉也所以迷者以背法身但認四大假合之幻身爲已身妄認攀緣六塵影子妄想緣慮之心爲真心譬如病目見空中華及第二月病目喻無明空華喻妄身二月喻妄心認妄失真故云顛倒

善男子空實無華病者妄執由妄執故非唯惑此虛空自性亦復迷彼實花生處由此妄有輪轉生死故名無明

此喻示無明之體也謂法身本無身心之相如空本無花今妄認四大爲身如執空華爲實有由妄執故不唯迷本法身故云惑此虛空自性亦復不知妄身從無明有故云迷彼實花生處由此顛倒故有輪轉生死此乃無明之體也

善男子此無明者非實有體如夢中人夢時非無及至於醒了無所得如衆空華滅於虛空不可說言有定滅處何以故無生處故一切衆生

於無生中妄見生滅是故說名輪轉生死  
此釋無明體空以明生死本來不有也以生  
死乃迷中之顛倒如夢中事覺後卽空以生  
本無生故滅亦無滅故如空花無定滅處  
善男子如來因地脩圓覺者知是空華卽無輪  
轉亦無身心受彼生死非作故無本性無故  
此的示頓悟妙門以顯圓照之功唯一知字  
也謂諸佛因地脩行唯以圓覺自性光明圓  
照自心寂滅之體一念了知身心世界如空

中花本來不有則生死當下頓斷以身心本空故無可受生死者此非造作而後無特以本來自性元無故也

彼知覺者猶如虛空知虛空者卽空花相亦不可說無知覺性有無俱遣是則名爲淨覺隨順此拂能所對待之跡以顯圓照平等寂滅究竟一心淨覺之智也云彼知覺者乃指上知是空華之知卽所謂圓照乃自性本有之智光爲能照之智者字指所照之境卽清淨之

覺相如虛空乃喻所照之覺體所謂清淨法身猶若虛空謂此覺體雖是本有向被無明障蔽從來不覺今仗智光一照則無明頓破本體當下現前則歷劫生死一時頓斷是所謂知是空華卽無輪轉此特顯智照有功也知虛空者此者字乃指上能照之智意謂初以智照惑滅則智亦不存然所照旣寂若存能照之知猶是無明故須遣之故云知虛空者卽空花相此則能所雙忘寂照不二到

此唯有如智照體獨立故云亦不可說無知覺性直至心境兩忘能所俱泯故云有無俱遣如此乃令寂滅一心故云是則名爲淨覺隨順此文倒應云隨順淨覺卽前云隨順不二也

何以故虛空性故常不動故如來藏中無起滅故無知見故如法界性究竟圓滿遍十方故是則名爲因地法行

此徵釋所照寂滅心體重顯絕待真心以示

清淨覺相也何故要重重遣拂能所耶以寂滅心體本來如虛空性常住不動此顯空也謂今雖有身心生死本來如空中花以如來藏中無起滅故不容有知見故此顯假也如者稱也謂稱法界性究竟圓滿周遍十方故此顯中也此實妙覺明心之實際如來因地唯此而已

菩薩因此於大乘中發清淨心末世衆生依此脩行不墮邪見

菩薩發心當因此而發則爲真因衆生依此而脩則爲正行故不墮邪見此結答問意也爾時世尊欲重宣此義而說偈言

文殊汝當知一切諸如來從於本因地皆以智慧覺了達於無明知彼如空花卽能免流轉又如夢中人醒時不可得覺者如虛空平等不動轉覺徧十方界卽得成佛道衆幻滅無處成道亦無得本性圓滿故菩薩於此中能發菩提心

末世諸衆生 倘此免邪見

偈頌對之則有無廣略可知

於是普賢菩薩在大衆中卽從座起頂禮佛足右繞三匝長跪叉手而白佛言

請法威儀

大悲世尊願爲此會諸菩薩衆及爲末世一切衆生脩大乘者聞此圓覺清淨境界云何脩行世尊若彼衆生知如幻者身心亦幻云何以幻還脩於幻若諸幻性一切盡滅則無有心誰爲

脩行云何復說脩行如幻若諸衆生本不脩行於生死中常居幻化曾不了知如幻境界令妄想心云何解脫願爲末世一切衆生作何方便漸次脩習令諸衆生永離諸幻

此普賢大士聞前開示躡跡起疑故特啟請脩行方便也由前佛說知是空花卽無輪轉亦無身心受彼生死此乃一念頓悟當下頓了生死則不假脩行更無方便此則太有徑庭非上上根人不能領悟柰何末世衆生上

上根者少若不假脩行必難悟入若不假方便不能造脩故此首問脩行以求方便漸次之法也若謂知是空華卽無輪轉然空花卽幻妄也若縱有衆生能知身心如幻者若所知是幻則此能知之身心亦是幻矣云何以幻還脩於幻耶此一疑也若所知之幻旣滅則能知之幻亦滅矣如此能所皆滅則無有心矣又誰爲脩行之人耶云何復說脩行如幻此二疑也若諸衆生本不假脩行如此則

於生死中常居幻化曾不了知如幻境界是則令妄想心云何解脫耶此三疑也因此請問如來願說脩行之方便當令衆生永離諸幻也故向下世尊答以衆生幻心還依幻滅不妨以幻脩幻爲一答諸幻滅盡覺心不動不入斷滅爲二答知幻卽離亦無方便離幻卽覺亦無漸次爲三答然通釋成前章頓悟卽頓脩之意

作是語已五體投地如是三請終而復始

圓覺經真解

卷之二

十一

此敘求法之懇誠也

爾時世尊告普賢菩薩言善哉善哉善男子汝等乃能爲諸菩薩及末世衆生脩習菩薩如幻三昧方便漸次令諸衆生得離諸幻汝今諦聽當爲汝說

此讚善問誠聽許說也

時普賢菩薩奉教歡喜及諸大衆默然而聽

此欣承法音冥心佇聽也

善男子一切衆生種種幻化皆生如來圓覺妙

心猶如空華從空而有幻華雖滅空性不壞衆生幻心還依幻滅諸幻盡滅覺心不動  
此答諸幻滅盡不入斷滅

依幻說覺亦名爲幻若說有覺猶未離幻說無覺者亦復如是是故幻滅名爲不動

此答以幻脩幻以釋成不入斷滅之意也謂以覺覺幻覺亦是幻故云依幻說覺亦名爲幻若說幻滅而覺存者此亦是幻故云若說有覺猶未離幻若更起一見說幻滅而覺亦

無者亦復是幻何也以未達究竟實際故也直須有無俱遣照體獨立故云幻滅名爲不動以種種幻化皆生圓覺妙心故諸幻滅盡覺心不動也

善男子一切菩薩及末世衆生應當遠離一切幻化虛妄境界由堅執持遠離心故心如幻者亦復遠離

此示離幻方便以答末離諸幻之請以遣離幻之心也謂知是幻方起能離之心諸幻既

滅若堅執有能離之心此心亦如幻者故應亦復遠離此遣第一重能離之心也遠離爲幻亦復遠離

此遣第二重離心之離也謂初以知離幻幻滅則遣能知之心若能知已泯則此離亦如幻故云遠離爲幻亦復遠離遠離幻亦復遠離此遣第三重離上遠離之離所謂遣遣也得無所離卽除諸幻譬如鑽火兩木相因火出

木盡灰飛烟滅以幻脩幻亦復如是諸幻滅盡  
不入斷滅三重諸幻離此說無事也  
此言遣之又遣以至無遣故云得無所離卽  
除諸幻也鑽火喻諸幻智灰飛烟滅以喻遣  
遣唯有地存故喻不入斷滅此總結答問意  
也

此結示頓悟頓證以顯究竟一心之旨也

問曰上答以幻脩幻遣之又遣皆是方便漸次之意今結示云不作方便亦無漸次豈佛自語相違耶答曰此義幽玄誠難體會上云種種幻化皆生如來圓覺妙心雖云重重遣拂所遣拂者總是一幻謂此妙覺心中凡有起心動念絲毫見處未忘通皆是幻若知到底是幻則一切諸幻自離但知而已又何別作方便若但存執着之心卽是知見未忘便名微細法執了達一切皆幻則當下消亡

全體自現故云知幻卽離離幻卽覺正如香象渡河一路到底所謂不作方便亦無漸次也  
一切菩薩及末世衆生依此脩行如是乃能永離諸幻  
此結酬問意也謂必要如是重重遣拂乃能永離諸幻也  
爾時世尊欲重宣此義而說偈言  
普賢汝當知一切諸衆生童無始幻無明

皆從諸如來 圓覺心建立 猶如虛空華  
依空而有相 空華若復滅 虛空本不動  
幻從諸覺生 幻滅覺圓滿 覺心不動故  
若彼諸菩薩 及末世衆生 常應遠離幻  
諸幻悉皆離 如木中生火 木盡火還滅  
覺則無漸次 方便亦如是

長行但云種種幻化生於覺心不知何者是  
幻化故煩中補無明二字謂種種幻化皆無  
明也

圓覺經疏解

卷四

三

於是普眼菩薩在大衆中卽從座起頂禮佛足右繞三匝長跪叉手而白佛言

請法威儀

大悲世尊願爲此會諸菩薩衆及爲末世一切衆生演說菩薩脩行漸次云何思惟云何住持衆生未悟作何方便普令開悟

此普眼請開漸次之行以釋圓照清淨覺相之義也由前文殊章直云知是空花卽無輪轉亦無身心受彼生死普賢章云知幻卽離

不作方便離幻卽覺亦無漸次此乃頓悟一心當下頓證不涉途程不假脩行但一知字而已此是上上根人方能了悟柰末世衆生上上根少中下者多若不脩行則長在生死若脩行無正方便則無門可入若無漸次亦難頓悟故問思惟乃初心止觀下手工夫住持乃安心之法則總是開悟之方便也

世尊若彼衆生無正方便及正思惟聞佛如來說此三昧心生迷悶卽於圓覺不能悟入願興

圓覺經韻解 卷出

慈悲爲我等輩及末世衆生假說方便此重請必要方便思惟者以初心必假正方便入門然後乃可得正思惟且以方便爲急故結請方便也假說者於無方便中設方便故爲假說耳按後答文初依奢摩他持戒宴坐乃正方便恒作是念止觀雙運乃正思惟非幻不滅乃安住垢相永滅十方清淨乃開悟也

作是語已五體投地如是一請終而復始

### 三展虔誠

爾時世尊告普眼菩薩言善哉善哉善男子汝等乃能爲諸菩薩及末世衆生問於如來脩行漸次思惟住持乃至假說種種方便汝今諦聽當爲汝說

五余悉五余音無念心對正法

讚許誠聽

五余悉五余音無念心對正法

時普眼菩薩奉教歡喜及諸大衆默然而聽

當機默佇意到普眼無間靜待大恩對出

善男子彼新學菩薩及末世衆生欲求如來淨

圓覺心應當正念遠離諸幻  
此總答問意也普眼雖問脩行漸次思惟住持等然主意單問離幻初心方便故佛答以脩行捷要只是以正念爲最初下手工夫故云應當正念然正念者無念也故凡起心動念在圓覺體中皆爲幻化意在一念不生則諸妄自滅故云遠離諸幻以前云種種幻化皆生如來圓覺妙心故須離念乃得相應論云離念境界唯證相應故此以爲最初方便

也。先依如來奢摩他行堅持禁戒安處徒衆宴坐。

此示離念之方便也梵語奢摩他此云止也  
然脩行必以止爲首者以衆生向認妄想攀  
緣之心念念生滅無暫停時今欲一但離念  
豈可得耶故先脩止行以爲最初工夫爲入  
禪之方便也所言止者按天台止有三止謂  
體真止方便隨緣止息二邊分別止以此三

止爲前導然後可入空假中之三觀今經之止但是體真止也若脩此止先將身心內外一齊放下放下又放下放到無可放處則諸想歇滅內外一空卽此空處便能體合真心妄想不生則念自離也故以止爲正念若正念現前則諸妄頓滅故云遠離諸幻此爲入禪之切要學者應知堅持禁戒者此正楞嚴三漸次先持四重皎如冰霜故曰堅持宴坐靜室者以行人向在動亂境中非宴坐不能

攝心以此證之旣不動作則單脩體真止耳然必安處徒衆者非要多人但取同見同行爲依止決擇使行易成耳

恒作是念我今此身四大和合所謂髮毛爪齒皮肉筋骨髓腦垢色皆歸於地唾涕膿血津液涎沫痰淚精氣大小便利皆歸於水暖氣歸火動轉歸風四大各離今者妄身當在何處卽知此身畢竟無體和合爲相實同幻化四緣假合妄有六根

1 2 3 4 5 6 7 8 9 10 1 2 3 4 5 6 7 8 9 10

此示入觀之方以答漸次思惟之間先示假觀也今普眼漸次方便思惟之間蓋因文殊章云妄認四大爲自身相六塵緣影爲自心相且云知是空花卽無輪轉又云知幻卽離不作方便是乃頓悟頓證第恐中下根人不能頓入故有此請世尊先示脩止爲前方便今示入觀正答思惟之間先示假觀之方初教觀身次第分析然後觀心此示漸次之方也然觀亦有三謂空假中今依楞嚴如幻三

摩提乃示先從假入空次從空假入中正顯脩心之漸次此先觀身如幻故爲假觀三觀圓具一心總釋前知幻卽離一知字六根四大中外合成妄有緣氣於中積聚似有緣相假名爲心

此示觀心之方便也六根爲內四大爲外卽所造六塵以根塵和合識生其中故云合成妄有下示心假也謂現前之心乃妄想耳非真心也何以知之以是六識攀緣前五塵落

謝影子以緣氣聚積似有假相乃是妄想影子假名爲心以衆生日用但認此假影爲心耳今觀此心離塵無體苟不認假爲真則妄想自消卽妄想消處不求真而真自復故爲假觀之方便也

善男子此虛妄心若無六塵則不能有四大分解無塵可得於中緣塵各歸散滅畢竟無有緣心可見

此示假觀之成功也前云妄認六塵緣影爲

自心相若但知幻卽離不能頓離故教先觀此身四大是假各歸散滅內根旣無則外亦無塵可對根塵旣消則緣心亦滅此心亦假也

善男子彼之衆生幻身滅故幻心亦滅幻心滅故幻塵亦滅幻塵滅故幻滅亦滅幻滅滅故非幻不滅譬如磨鏡垢盡明現

此示從假入空觀也謂以觀照根塵識三俱已消滅然所觀旣空則能觀亦泯故云幻滅

亦滅以前云知虛空者卽空花相故觀照亦

不立此則能所兩忘對待斯絕唯一圓明清

淨真心故云非幻不滅覺心不動清淨乃空

之異名故云空觀鏡喻可知

善男子當知身心皆爲幻垢垢相末滅十方清淨

此從空假以入中道也初云皆依圓照清淨覺相但是一心故名中道

善男子譬如清淨摩尼寶珠映於五色隨方各

現諸愚癡者見彼摩尼實有五色善男子圓覺淨性現於身心隨類各應彼愚癡者說淨圓覺實有如是身心自相亦復如是由此不能遠於幻化是故我說身心幻垢對離幻垢說名菩薩垢盡對除卽無對垢及說名者

此顯絕待真心以示圓照清淨覺相之體也摩尼珠喻圓照淨心隨現五色喻五蘊身心舊註云喻五道此指太寬以經云身心自相乃的指五蘊而隨類之言意該五道然正義

摩訶般若經解卷四

的指五道衆生總一五蘊身心耳謂妙圓覺心本無五蘊良由無明業幻所作全從妙心所現故如摩尼隨現五色衆生不了真心但認五蘊幻相故如痴人執珠體實有五色也以錯認五蘊爲我以覆蔽真體故爲幻垢今以觀智照破五蘊皆空故名菩薩以對待未忘猶是無明故真體未顯若對待一忘能所雙絕乃顯絕待真心耳

善男子此菩薩及末世衆生證得諸幻滅影像

故爾時便得無方清淨無邊虛空覺所顯發覺圓明故顯心清淨

此正顯圓照之相也謂此妙圓心體本自靈明廓徹廣大虛寂名爲真空初因一念無明障蔽妙明遂變真空之體而爲十方頑空今無明既破則十方虛空悉皆消殞故觀十方虛空從覺心顯發然虛空旣消則妙明體露故云顯心清淨此心一淨則十法界無不清淨矣故下文歷明聖凡身心境界一一皆清

圓覺經 十角

卷上

三

淨卽前云清淨覺相然清淨乃空之異名從此已下至平等不動總示空觀義也

心清淨故見塵清淨見清淨故眼根清淨聞清淨故眼識清淨識清淨故耳根清淨聞清淨故耳根清淨根清淨故耳識清淨識清淨故覺塵清淨如是乃至鼻舌身意亦復如是

此顯妙覺心體圓照之相以示空體也此見塵特指無明妄見乃八識之見分圓映六門此見卽是塵非色塵也謂十法界迷悟心境

皆依妄見而有今無明一破妙覺圓明心境雙亡能所斯絕此見亦泯故十法界蕩然清淨由清淨故則一一周遍唯一妙明圓照法界故下文一一歷言六凡四聖心境一一清淨周遍也據理卽一心圓照聖凡影絕但問示未悟故下文次第一歷言以顯圓明周遍之妙耳且先示六凡清淨

善男子根清淨故色塵清淨色清淨故聲塵清淨香味觸法亦復如是

此正言六塵清淨也以此言六塵故知前見塵非是六塵蓋指妄見卽是塵耳

善男子六塵清淨故地大清淨地清淨故水大清淨火大風大亦復如是

此言四大清淨也

善男子四大清淨故十二處十八界二十五有清淨

此言通示六凡心境一切清淨也根塵識界

乃凡夫根境二十五有乃三界爲衆生依報

之地總而言之則身心世界一切悉皆清淨此正與法華所言六根清淨義同彼經但言持經法師乃觀行位人卽得六根清淨此言頓悟唯心則凡聖俱泯故歷出世四聖一切清淨耳上言六凡下言四聖

彼清淨故十力四無所畏四無礙智佛十八不共法三十七助道品清淨如是乃至八萬四千陀羅尼門一切清淨

善此歷言出世四聖境界悉皆清淨也

善男子一切實相性清淨故一身清淨一身清淨故多身清淨多身清淨故如是乃至十方衆生圓覺清淨此先舉正報一身將顯根身世界圓滿清淨此先舉正報一身以及多身凡是衆生無不清淨然十方衆生圓覺清淨則衆生如也善男子一世界清淨故多世界清淨多世界清淨故如是乃至盡於虛空圓裹三世一切平等

此例觀依報世界清淨如是則衆生界空聖  
凡齊珉唯一清淨圓明寶覺矣楞嚴云我以  
不生不滅合如來藏而如來藏非世間法非  
出世間法而一切法皆如來藏矣故下一  
皆云不動

以虛空世界衆生因迷覺性而有今一切法  
合乎圓覺則平等平等寂滅無二故云不動  
此但顯泯一切法當空觀義也由攝事歸理  
理徧則事亦徧故下文云一一周徧

善男子覺性遍滿清淨不動圓無際故當知六  
根遍滿法界根遍滿故當知六塵遍滿法界塵  
遍滿故當知四大遍滿法界如是乃至陀羅尼  
門遍滿法界

此歷十法界以顯事隨理徧當法界理事無

### 碍門示假觀義也

善男子由彼妙覺性遍滿故根性塵性無壞無  
雜根塵無壞故如是乃至陀羅尼門無壞無雜  
如百千燈光照一室其光遍滿無壞無雜  
此歷十法界以顯事事無碍法界周遍含容  
觀當一心中道義也此明法界一心相在無  
雜各不壞相故成圓覺普照義也

善男子覺成就故當知菩薩不與法縛不求法  
脫不厭生死不愛涅槃不敬持戒不憎毀戒不

重久習不輕初學何以故一切覺故譬如眼光  
曉了前境其光圓滿得無憎愛何以故光體無  
二無憎愛故

此示寂滅一心平等不二正顯清淨覺相也  
以縛脫憎愛等皆二相也由無明妄見故有  
二相今以圓照則一切皆覺故無二也眼光  
乃八識現量圓照諸根在眼最顯故取喻圓  
覺普照無二之體

善男子此菩薩及末世衆生脩習此心得成就

者於此無脩亦無成就圓覺普照寂滅無二於  
中百千萬億阿僧祇不可說恒河沙諸佛世界  
猶如空華亂起亂滅不卽不離無縛無脫始知  
衆生本來成佛生死涅槃猶如昨夢

此重釋上圓覺普照寂滅無二之相以顯究  
竟一心之極證也以如來藏中本無迷悟生  
死去來之相然生死涅槃皆無明夢中之事  
今無明夢破回視往事如昨夢耳

善男子如昨夢故當知生死及與涅槃無起無

滅無來無去其所證者無得無失無取無捨其能證者無作無止無任無滅於此證中無能無所畢竟無證亦無證者一切法性平等不壞此重示寂滅一心究竟無二之體也前云圓覺性中流出一切清淨真如菩提涅槃諸波羅密謂迷清淨真如而爲五蘊之衆生生死法也菩提涅槃乃所證之果諸波羅密爲能證之行以如來藏中本無去來迷悟生死故生死涅槃皆如昨夢既如昨夢則豈有脩證

得失取捨之事耶既無脩證則無能所一切影像畢竟寂滅如此法法皆真常住不壞此圓照法界清淨覺相之極則通釋首章皆以圓照清淨覺相之義也

善男子彼諸菩薩如是脩行如是漸次如是思惟如是住持如是方便如是開悟求如是法亦不迷悶

此結酬請辭指歸正行故皆云如是爾時世尊欲重宣此義而說偈言

真言經註解

卷上

普眼汝當知 一切諸衆生 身心皆如幻  
 身相屬四大 心性歸六塵 四大體各離  
 誰爲和合者 如是漸脩行 一切悉清淨  
 不動遍法界 無作止任滅 亦無能證者  
 一切佛世界 猶如虛空華 三世悉平等  
 毕竟無來去 初發心菩薩 及末世衆生  
 欲求入佛道 應如是脩習

頌義如文可知

於是金剛歲菩薩在大衆中卽從座起頂禮佛

足右繞三匝長跪叉手而白佛言

請法威儀

大悲世尊善爲一切諸菩薩衆宣揚如來圓覺  
 清淨大陀羅尼因地法行漸次方便與諸衆生  
 開發蒙昧在會法衆承佛慈誨幻賢朗然慧目  
 清淨  
 講謝也因前佛云猶如賢目見空中花以上  
 花開示根身世界一切清淨如空花影落故此  
 講謝云幻賢朗然慧目清淨也

世尊若諸衆生本來成佛何故復有一切無明  
 若諸無明衆生本有何因緣故如來復說本來  
 成佛十方異生本成佛道後起無明一切如來  
 何時復生一切煩惱惟願不捨無遮大慈爲諸  
 菩薩開秘密藏及爲末世一切衆生得開如是  
 脩多羅教了義法門永斷疑悔

大此金剛藏啟請因聞佛說衆生本來成佛一  
 語頓起三疑故與此問意謂佛初說衆生因  
 武無始無明妄認身心故有生死且云永斷無

明方成佛道此則無明乃衆生本有也云何  
 復說衆生本來成佛若衆生本來成佛何故  
 復有無明耶若衆生本來成佛後起無明則  
 一切如來是已成之佛何時復生一切煩惱  
 耶因聞衆生本來成佛與永斷無明方成佛  
 道之語相違故展轉三疑以致此問

作是語已五體投地如是三請終而復始

三展虔誠

爾時世尊告金剛藏菩薩言善哉善哉善男子

汝等乃能爲諸菩薩及末世衆生問於如來甚深秘密究竟方便是諸菩薩最上教誨了義大乘能使十方脩學菩薩及諸末世一切衆生得決定信永斷疑悔汝今諦聽當爲汝說

讚許誠聽

時金剛戒菩薩奉教歡喜及諸大衆默然而聽當機默佇

善男子一切世界始終生滅前後有無聚散起止念念相續循環往復種種取捨皆是輪廻未

出輪廻而辯圓覺彼圓覺性卽同流轉若免輪廻無有是處

此意責問者不應以生滅心妄辯圓覺之體也以十法界迷悟因果皆生死邊事從妄見有圓覺性中本無此事若以妄見而辯圓覺則此覺性亦同生死法矣世界有三種謂衆生正報世間依報世間諸佛爲智正覺世間此總該十法界依正因果也始謂迷本之因終謂涅槃之果生滅乃衆生之身心該住異

之四相前後乃三際前後乃過未以該現在  
有無聚散乃世界成住壞空有無乃住空聚  
散乃成壞起謂三界生死止謂二乘涅槃如  
上之事乃妄見妄想念念相續從來生滅不  
停循環往復種種取捨如此皆是輪迴生死  
之妄見也若以此妄見而辯圓覺而圓覺性  
亦同生死之法矣故云卽同流轉若以妄見  
而免生死無有是處此總責顛倒下以喻詳

示

譬如動目能搖湛水又如定眼由迴轉火雲駛  
月運舟行岸移亦復如是

此以四法喻妄見也湛水無波因動目而有  
波定眼無輪由旋火而有輪月岸不移因雲  
舟而運動湛水定眼月岸通喻覺性水波火  
輪雲駛舟行通喻妄見  
善男子諸旋未息彼物先住尚不可得  
此先合喻諸旋乃水波火輪雲駛舟行彼物  
指湛水定眼月岸謂旋若未息而彼諸物必

難先住也

何況輪轉生死垢心曾未清淨觀佛圓覺而不  
旋復是故汝等便生三惑

此以淺况深通責迷倒也意謂世間淺近之  
事若旋不止而彼物必難先住何況以生死  
妄見而辨淨妙常住之覺性豈不墮彼流轉  
耶此三惑之興實由妄見分別耳此總責三  
疑下正答問義

善男子譬如幻翳妄見空華幻翳若除不可說

言此翳已滅何時更起一切諸翳何以故翳花  
二法非相待故亦如空花滅於空時不可說言  
虛空何時更起空華何以故空本無花非起滅  
故生死涅槃同於起滅妙覺圓照離於華翳  
此以空花一喻總答所問以決三疑也幻翳  
喻無明妄見空花喻生死涅槃虛空喻妙覺  
真心此通顯生死涅槃皆卽狂勞顛倒花相  
佛說無明乃衆生妄認幻妄身心爲本有者

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

此則衆生的因無明而有也如此何以又說衆生本來成佛若衆生本來是佛後作衆生則是無明從佛心中而有矣如此則諸佛心中何時更起煩惱而作衆生耶此展轉三疑皆從妄見分別而有特未悟妙圓真心耳故先總責輪迴顛倒之見而以幻翳空花之喻以總答之也若悟空本無花何疑衆生本來成佛若了花從翳生又何疑成佛後起煩惱此如來善巧開示了此一喻則三疑頓釋矣

善男子當知虛空非是暫有亦非暫無況復如來圓覺隨順而爲虛空平等本性善男子如銷金鑄金非銷有既已成金不重爲鑄經無窮時金性不壞不應說言本非成就如來圓覺亦復如是

此特示妙圓常住真心不屬生死涅槃以重釋佛起煩惱之疑也意謂虛空尚不隨於幻花起滅何況妙覺明心而爲虛空本性又豈隨於生死涅槃起滅耶苟悟覺性平等常住

不動諸佛證此豈復生迷故以銷金之喻以  
結示之若了此喻則衆生雖本是佛現在無  
明不妨脩而後成如金雖本有現在鑄中終  
以銷而後見所謂佛本是而勤脩惑元無而  
須斷若知金性不壞又何疑佛更生迷此喻  
約而義妙故剛歲之疑不俟一一而冰釋矣  
下示了義

善男子一切如來妙圓覺心本無菩提及與涅槃亦無成佛及不成佛無妄輪迴及非輪迴

此的示圓覺性中本無生死涅槃之相以決剛歲之疑也若悟此性自無起滅顛倒之見矣

善男子但諸聲聞所圓境界身心語言皆悉斷滅終不能至彼之親證所現涅槃何況能以有思惟心測度如來圓覺境界如取螢火燒須彌山終不能着以輪迴心生輪迴見入於如來大寂滅海終不能至是故我說一切菩薩及末世衆生先斷無始輪迴根本

80

1

2

3

4

5

6

7

8

9

90

1

2

3

4

5

6

7

8

9

此示圓覺妙性非心思可及也且二乘身心  
已滅尚不能至自證涅槃何況衆生以生滅  
心欲入妙圓不生滅性決不能矣故喻如螢  
火燒須彌山終不能也二乘身心語言皆滅  
者以斷六識分別之心七識已伏不行故無  
覺觀語言但所證涅槃乃第八識全體無明  
認爲涅槃以二乘人無明名字不知故不能  
至親證所現涅槃意謂二乘心行已滅尚不  
能知自證無明境界何況以生滅心欲入如  
來妙圓覺心此必不能也故以螢火喻之乃  
示當斷輪廻根本正指無明妄見也

善男子有作思惟從有心起皆是六塵妄想緣  
氣非實心體已如空華用此思惟辨於佛境猶  
如空華復結空果展轉妄想無有是處善男子  
虛妄浮心多諸巧見不能成就圓覺方便如是  
分別非爲正問

此直示妄元結責當機也意謂但凡夫起心  
動念皆是妄想非真心也以此妄想思惟辨

1 2 3 4 5 6 7 8 9

90 1 2 3 4 5 6 7 8 9

100

1 2 3 4 5 6 7 8 9

於佛境遠之遠矣故如邀空花復結空果所以展轉但增妄想耳如是虛妄浮心豈能成就圓覺方便耶故非正問也

爾時世尊欲重宣此義而說偈言

金剛藏當知果如來寂滅性未曾有終始若以輪廻心思惟卽旋復卽但至輪廻際不能入佛海譬如銷金鑛金非銷故有雖復本來金終以銷成就一成真金體不復重爲鑛生死與涅槃允夫及諸佛

同爲空華相思惟猶幻化何況詰虛妄

若能了此心然後求圓覺

於是彌勒菩薩在大衆中卽從座起頂禮佛足右繞三匝長跪叉手而白佛言

請法威儀

大悲世尊廣爲菩薩開秘密藏令諸大衆深悟輪廻分別邪正能施末世一切衆生無畏道眼於大涅槃生決定信無復重隨輪轉境界起循環見

讚謝 下正陳請辭

世尊若諸菩薩及末世衆生欲遊如來大寂滅海云何當斷輪迴根本於諸輪迴有幾種性脩佛菩提幾等差別迴入塵勞當設幾種教化方便度諸衆生惟願不捨救世大悲令諸脩行一切菩薩及末世衆生慧目肅清照曜心鏡圓悟如來無上知見

此正陳問義有四由上佛說菩薩脩行先斷輪迴根本故此首問云何當斷者意謂何等

是輪迴根本也故佛下答以恩愛貪欲是輪迴根本二問輪迴有幾種性佛答以因二種障有五性差別三問脩行有幾種性佛答卽以五性而顯差別四問菩薩度生有幾方便佛答唯以大悲同事願力然所問正爲脩行末乃及利生者以菩薩脩行本爲度生而脩行亦不捨衆生界以度生卽脩行也  
作是語已五體投地如是三請終而復始

當機默佇

圓覺經直解

卷七

四二

爾時世尊告彌勒菩薩言善哉善哉善男子汝等乃能爲諸菩薩及末世衆生請問如來深奧秘密微妙之義令諸菩薩潔清慧目及令一切末世衆生永斷輪迴心悟實相具無生忍汝今

詣聽當爲汝說

讚許

時彌勒菩薩奉教歡喜及諸大衆默然而聽

佇聽

善男子一切衆生從無始際由有種種恩愛貪

欲故有輪迴若諸世界一切種性卵生胎生濕生化生皆因婬欲而正性命當知輪迴愛爲根本

此直答輪迴根本也無明有二一發業無明二潤生無明發業者乃無始最初一念妄動迷本圓明故號無明惟此但迷本有之法身妄認五蘊幻妄身心爲我者乃前文殊章中所說無始本起無明也此雖迷真認妄尚未續諸生死但能發業而已二潤生無明正是

生死相續輪廻之報本也由前述理無明矣  
 認五蘊身心爲我卽於此幻身復起男女好  
 醜憎愛之見而貪愛婬欲之想因愛見而發  
 所謂汝愛我心我憐汝色以是因緣百千萬  
 劫長在纏縛故衆生迷法身慧命之真性但  
 以婬欲一事而爲受生稟命之正矣故曰皆  
 因婬欲而正性命當知輪廻愛爲根本故今  
 脩行欲超生死得免輪廻當以斷婬爲第一  
 義也此正與楞嚴所說世出世間生與無生

盡在婬心斷與不斷故今經的指先斷婬欲  
 爲脩行之要

由有諸欲助發愛性是故能令生死相續  
 此正示愛欲爲生死根本也以衆生五蘊身  
 心元因愛欲而有但以愛欲爲性命之正故  
 貪欲之境雖多卽種種諸欲皆是助發愛性  
 之本又不止酒肉五辛爲助因也以愛根既  
 深而助發愛性者日厚心心着欲念念潤生  
 是故能令生死相續也下示輪廻之本

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

欲因愛生命因欲有衆生愛命還依欲本愛欲爲因愛命爲果

此申明愛欲爲生死根本也欲因愛生者上云由有諸欲助發愛性蓋言諸欲亦從愛而生也以愛爲根本欲爲助因故然欲者貪也愛者淫根也以衆生嬉心所愛者男女之美色因愛其色故貪種種飲食厚味以養之鉛華錦繡以飾之薦褥溫軟以適之乃至聲色以悅之一切諸欲皆從嬉心而發也故曰欲

因愛生也命因欲有者以衆生一生所欲染者男女之色也及死後捨命未受後報尚有中陰身此身別無所見但求欲境故千萬里遙見男女交媾之處若曾有宿染愛緣者卽速疾至前則以男女之想爲已有渴愛心極則乘愛涎流入母腹守此精血納想不捨遂結爲胎此受命之元故曰命因欲有也故資其生者乃愛欲爲因及受後報之身乃以愛命爲果此其所以生死相續而不休也楞嚴

圓覺經直解

衆生相續發明此義下示輪迴之狀

由於欲境起諸違順境背愛心而生憎嫉造種  
種業是故復生地獄餓鬼

此明三途惡報苦果皆因婬欲而有也以愛  
心熾盛奔趣欲境然境有違順若境順其心  
則愛益滋甚若境違心便生憎嫉乃至嗔怒  
打罵甚至殺害則無惡而不造所以復招三  
途地獄之劇苦皆因愛而致也

捨惡樂善復現人天

此明由愛而感人天之果也上言造種種業  
總之不出十惡業謂身三殺盜婬口四妄言  
綺語兩舌惡口意三貪嗔痴此十惡業皆由  
愛欲而發若備造則感三途之報若平平不  
造則感生人道若增脩善品則感生天上蓋  
人天由愛厭業道亦從愛而致也

又知諸愛可厭惡故棄愛樂捨還滋愛本便現  
有爲增上善果皆輪迴故不成聖道

上言人天且指六欲天報言六天全未斷欲

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

但不作惡故爲十善所感此明色界已上諸天愛染不生精脩梵行然所脩者但知愛欲是染是罇障故深厭離故云棄愛樂捨且欣上是淨是妙是離故欣樂取證然欣亦愛也故云還滋愛本由此但名有爲增上善果未超生死故云皆是輪迴不成聖道良由以愛捨愛故生死不斷所謂饒君脩到非非想也落禪家第二籌以生死情根未斷故也是故衆生欲脫生死免諸輪迴先斷貪欲及除

### 愛渴

此總結輪迴根本皆貪欲渴愛之過患也善男子菩薩變化示現世間非愛爲本但以慈悲令彼捨愛假諸貪欲而入生死若諸末世一切衆生能捨諸欲及除憎愛永斷輪迴勤求如來圓覺境界於清淨心便得開悟此釋疑顯權也恐有疑云菩薩入諸生死豈非貪欲之過耶故此釋云菩薩但示貪欲而入生死以同事攝令彼捨貪乃是權現非實

事也然脩行者必斷貪欲於清淨心方得開悟耳上答輪迴根本下答種性

善男子一切衆生由本貪欲發揮無明顯出五性差別不等依二種障而現深淺云何二障一者理障礙正知見二者事障續諸生死

此下答輪迴間有幾種性也謂理事二障爲輪迴性性體也以理障乃發業無明事障乃潤生無明輪迴生死以二障爲體卽脩行差別亦因無明厚薄二障淺深而顯也

云何五性善男子若此二障未得斷滅名未成佛

此下正答脩行有幾種性先微後釋也五性者一凡夫種性二二乘種性三菩薩種性四不定種性五外道種性此初凡夫種性也若諸衆生未捨貪欲先除事障未斷理障但能悟入聲聞緣覺未能顯住菩薩境界此二乘種性也以二乘人但斷六識三毒離分段生死故云未捨貪欲經云但盡生死謂

爲滅度其實未得一切滅度

善男子若諸末世一切衆生欲泛如來大圓覺海先當發願勤斷二障二障已伏卽能悟入菩薩境界若事理障已永斷滅卽入如來微妙圓覺滿足菩提及大涅槃

此菩薩種性也三賢伏二障地上斷二障論云分別二障極喜無六七俱生地地除若金剛道後異熟已空則二障永斷卽入如來大涅槃海

善男子一切衆生皆證圓覺逢善知識依彼所作因地法行爾時脩習便有頓漸若遇如來無上菩提正脩行路根無大小皆成佛果此不定種性也若言一切衆生皆證圓覺則各各皆是如來種性矣何有不定之差耶但彼各人所遇善知識依各自脩因地法行而開示之因此脩習則有頓漸不同此不定性在師不在根所謂聞熏成種也若遇大善知識以如來正脩行路開導脩行則根無大小

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

皆成佛果此顯佛性是一因師不定故楞伽  
要親最勝知識也此則三乘皆不定攝

若諸衆生雖求善友遇邪見者未得正悟是則  
名爲外道種性邪師過謬非衆生咎是名衆生  
五性差別

此外道種性也旣云一切衆生皆證圓覺無  
有不成佛者何得有邪良由所遇邪師邪教  
故成邪耳此但邪師之過非衆生佛性之過  
也此經圓教大乘無機不攝以因師邪而邪

若捨邪歸正無一不成佛者闡提作佛義見  
於此上答脩習差別下答化生差別

善男子菩薩唯以大悲方便入諸世間開發未  
悟乃至示現種種形相逆順境界與其同事化  
令成佛皆依無始清淨願力

此答菩薩廻入塵勞有幾方便之間也謂菩  
薩利生方便雖多唯以大悲爲首大願持之  
以同事攝之是爲妙行然菩薩度生以四攝  
法所謂布施愛語利行同事此經重在斷欲

爲首故獨稱同事爲斷愛之妙行也苟非願力所持固然同事無不墮者故要依無始清淨願力也  
若諸末世一切衆生於大圓覺起增上心當發菩薩清淨大願應作是言願我今者住佛圓覺求善知識莫值外道及與二乘依願脩行漸斷諸障障盡願滿便登解脫清淨法殿證大圓覺妙莊嚴域

此言不但菩薩利生依大願力卽末世脩行

之人亦當以大願持心故不墮邪見也謂菩薩脩行於大圓覺起增上心者此乃決志成佛之人也故先發願言我今住佛圓覺志願成佛故所求知識莫值外道邪師及二乘劣解壞我善根願得菩薩最勝知識依教脩行漸斷諸障若得障盡願滿則成就佛果矣妙莊嚴域乃佛之果海也

爾時世尊欲重宣此義而說偈言  
彌勒汝當知 一切諸衆生 不得大解脫

身經直角 卷上

五十六

皆由貪欲故墮落於生死若能斷增愛及與貪嗔痴不因差別性皆得成佛道長行言五性因二障而有差別偈言但能頓斷煩惱不拘五性差別則當一時頓成佛果也

二障末消滅求師得正悟隨順菩薩願依止大涅槃十方諸菩薩皆以大悲願示現入生死間現在脩行者及末世衆生勤斷諸愛見便歸大圓覺

於是清淨慧菩薩在大衆中卽從座起頂禮佛足右繞三匝長跪叉手而白佛言

進問威儀

大悲世尊爲我等輩廣說如是不思議事本所不見本所不聞我等今者蒙佛善誘身心泰然得大饒益讚謝因前云感身空詳頌無能盡此相一

願爲諸來一切法衆重宣法王圓滿覺性一切衆生及諸菩薩如來世尊所證所得云何差別

令末世衆生聞此聖教隨順開悟漸次能入  
 此問圓覺妙性聖凡平等因何而有脩證差  
 別也因前云知是空花卽無輪轉此則一超  
 豈登佛地不涉漸次矣又云一切衆生皆證  
 圓覺此則本無差別之性矣上問差別佛答  
 大以因二障淺深而有今問脩證差別意謂覺  
 性既是平等則二障亦不能爲差別故今問  
 從凡至聖脩證云何而有差別也  
 作是語已五體投地如是三請終而復始

### 當機默佇

爾時世尊告清淨慧菩薩言善哉善哉善男子  
 汝等乃能爲末世衆生請問如來漸次差別汝  
 今請聽當爲汝說

讚許

時清淨慧菩薩奉教歡喜及諸大衆默然而聽  
 佇聽

善男子圓覺自性非性性有循諸性起無取無  
 證於實相中實無菩薩及諸衆生何以故菩薩

圓覺經直解 卷一

五十一

衆生皆是幻化幻化滅故無取證者譬如眼根不自見眼性自平等無平等者

因問覺性是一云何聖凡脩證差別不同故佛先示以覺性本來平等無二菩薩衆生亦無取證次第自性無性故云非性凡聖皆具故云性有隨緣而現故云循諸性起本無脩證次第然後示以妄功用中便顯差別也眼不見眼喻覺性本無能所對待衆生迷倒未能除滅一切幻化於滅未滅妄功

用中便顯差別若得如來寂滅隨順實無寂滅及寂滅者

此示因衆生迷倒妄有差別其實了無能所取證也下示無差別之差別舊解約天台六卽以釋之謂性自平等凡聖不二故云理卽上云覺性平等理本一味也今因衆生迷倒幻化未滅妄功用中便顯差別此顯六卽差別因迷而有也若究竟窮源寂滅無二若委明六字則不生上悞若悟卽字則不生退屈

少林真角

五  
大

此天台之圓旨也上總示圓理下示六卽經義相符故以釋之

善男子一切衆生從無始來由妄想我及我愛者曾不自知念念生滅故起憎愛耽着五欲此示理卽也以衆生全體在迷約佛性在迷故云理衆生卽佛故云理卽以迷覺性而爲妄想背法身而認五蘊故云由妄想我執妄身爲我我見堅固不捨故云及愛我者曾不自知念念生滅造諸惡業然造業者乃佛性

也故云理卽

若遇善友教令開悟淨圓覺性發明起滅卽知此生性自勞慮

此名字卽也以衆生迷已不知本有佛性若遇善知識開導了悟自性生卽無生知本是佛以知名識字卽知之一字卽佛性也故云名字卽若復有人勞慮未斷得法界淨卽彼淨解爲自障礙故於圓覺而不自在次名凡夫隨順覺性

1 2 3 4 5 6 7 8 9 100

此觀行卽也此天台圓教五品觀行位人圓伏五住先斷見思故云勞慮未斷三毒不行故云得法界淨耽着淨境故云淨解爲礙無明全在故於圓覺而不自在天台判圓觀行位與別信位同斷見思名爲外凡故結名凡夫

善男子一切菩薩見解爲礙雖斷解礙猶住見覺覺礙爲礙而不自在此名菩薩未入地者隨順覺性

此相似卽也三賢位人觀智增明已見前淨解爲礙今已斷之所斷雖亾能斷觀智名爲見覺此能見之見覺爲礙能所未亾故於圓覺而不自在<sub>解</sub>名未入地者正指三賢也善男子有照有覺俱名障礙是故菩薩常覺不住照與照者同時寂滅

此分真卽也照是所照之境乃淨解覺是能觀之智乃見覺卽前二位以對待未虛故俱名障礙今地上菩薩已證平等真如以卽體

之智是照寂滅之體故照而非照不住照功  
故云常覺不住以理智一如故同時寂滅  
譬如有人自斷其首已斷故無能斷者則以  
礙心自滅諸礙礙已斷滅無滅礙者

此以喻明觀智俱泯能所兩忘也人喻能照  
首喻所照所照既亾能照亦泯故喻無能斷  
者然以照爲礙者楞嚴云圓明照生所以圓  
明體中本無能所但起一照心則形所相故  
以照爲礙也以諸無明通名諸礙非照不滅

故以礙滅碍也若諸礙已斷則照亦不立故  
無滅礙者

脩多羅教如標月指若復見月了知所標畢竟  
非月一切如來種種言說開示菩薩亦復如是  
此顯地上菩薩之實證也謂菩薩脩行未悟  
自性故佛假種種言教開示爲悟心之方故  
如指指月今旣了悟自心則一切言說皆剩  
智能所之說皆標月之指耳今旣證一心則

80

1

2

3

4

5

6

7

8

9

90

1

2

3

4

5

6

7

8

9

100

能所雙忘觀照俱泯同時寂滅矣

此名菩薩已入地者隨順覺性

此結位也此經單以圓照覺相爲宗故位次不說所斷但約觀行淺深以明位之高下若對普賢章中云應當遠離一切幻化虛妄境界由堅執持遠離心故卽淨解未忘當觀行位心如幻者亦復遠離卽見覺爲礙當相似位有覺有照同時寂滅卽遠離爲幻亦復遠離當分真位下言一切障礙卽究竟覺卽離

遠離幻亦復遠離得無所離名究竟覺當究竟卽經旨了然幸深觀之

善男子一切障礙卽究竟覺得念失念無非解脫成法破法皆名涅槃智慧愚痴通爲般若菩薩外道所成就法同是菩提無明真如無異境界諸戒定慧及傭怒痴俱是梵行衆生國土同一法性地獄天宮皆爲淨土有性無性齊成佛道一切煩惱畢竟解脫法界海慧照了諸相猶如虛空此名如來隨順覺性

此究竟卽以示平等佛慧也其得念失念等十對等法皆迷悟邊事良以圓覺妙性不屬迷悟對待因果故一切寂滅平等一如以妄見而觀則有二相若以法界海慧照之則猶如虛空一切諸相了不可得矣

真成無異  
善男子但諸菩薩及末世衆生居一切時不起妄念於諸妄心亦不息滅住妄想境不加了知於無了知不辨真實

著論文  
此的示平等安心之妙也上言位有高下證

有次第者皆爲不了寂滅心體妄有脩證不能所對待故悟有淺深今示平等一心任運合道乃圓悟頓證之妙旨也以衆生日用現證全是如來平等法身若一念不生全體自現故云居一切時不得故起妄念以纔起一念卽迷現量故也謂衆生妄想本自無性元是真心若息妄求真似斬頭覓活故云於諸妄心亦不息滅以妄想境界本是一真不容擬議若更加了知之心卽是揚聲止響故

云住妄想境界不加了知不加了知處即是真知若起心更辨別求真實則頭上安頭彌增顛倒故云於無了知不辨真實此道人日用安心的訣苟能任運如斯則心心合道念念證真不起滅定而現度生事業矣從上諸祖未有不入此法門者此衆禪向上一路所謂衲僧巴鼻也

彼諸衆生聞是法門信解受持不生驚畏是則名爲隨順覺性

此直指頓悟安心乃脩行之要也此法門卽上居一切時等以此法難信難解難持若聞而不生驚怖者可謂善能隨順覺性也  
善男子汝等當知如是衆生已曾供養百千萬憶恒河沙諸佛及大菩薩植衆德本佛說是人名爲成就一切種智

此結上頓悟任運合道之機皆夙因深厚者方能信受不疑也此等之人雖居因位決定成佛無疑矣

爾時世尊欲重宣此義而說偈言

清淨慧當知 圓滿菩提性 無取亦無證  
無菩薩衆生 此頌覺性平等本無差別  
覺與未覺時 漸次有差別 衆生爲解礙  
菩薩未離覺 入地未寂滅 不住一切相  
大覺悉圓滿 名爲徧隨順

初二句總頌差別所以衆生一句觀行卽菩  
薩一句相似卽入地二句頌分真卽大覺二  
句頌究竟卽然初句覺與未覺亦該攝理卽

名字卽也

末世諸衆生 心不生虛妄 佛說如是人  
現世卽菩薩 供養恒沙佛 功德已圓滿  
雖有多方便 皆名隨順智

末二句總頌位行雖差皆隨順覺性

本二句據諸本說皆以實錄優妙

釋迦牟尼佛 般若波羅蜜

本出龍象王 小木參點吳 普照城根入

金華門步

大方廣圓覺脩多羅了義經直解卷下

唐罽賓國沙門佛陀多羅譯

明匡山逸叟慈山釋德清解

明新安程夢暘覺我較閱

於是威德自在菩薩在大衆中卽從座起頂禮  
佛足右繞三匝長跪叉手而白佛言

進問威儀

大悲尊廣爲我等分別如是隨順覺性令諸  
菩薩覺心光明承佛圓音不因脩習而得善利

此慶聞讚謝也以聞佛圓音所流大智教光灌大衆心神力所加照破無明各各自心光明頓現此所以不因脩習而得善利也下請入門方便

世尊譬如大城外有四門隨方來者非止一路一切菩薩莊嚴佛國及成菩提非一方便惟願世尊廣爲我等宣說一切方便漸次并脩行人總有幾種令此會菩薩及末世衆生求大乘者速得開悟遊戲如來大寂滅海

此問行也由上但聞所證之差別未聞能證之行故今特請入門之方便也城喻圓覺門喻所入之路方便正是入證之行卽楞嚴之最初方便所謂隨方取便乃下手之工夫也漸次者以初圓照二字爲成佛因地故初云知是空花卽無輪轉知幻卽離不作方便乃圓脩頓悟故不假方便乃上上根人之行今爲中下故請漸次意在開三觀門卽下单復圓脩二十五輪皆漸次也

作是語已五體投地如是三請終而復始

此敘求法懇誠

爾時世尊告威德自在菩薩言善哉善哉汝等乃能爲諸菩薩及末世衆生問於如來如是方便汝今諦聽當爲汝說

讀許誠聽

於是威德自在菩薩奉教歡喜及諸大衆默然而聽

此欣承法音冥心佇聽也

正示

善男子無上妙覺徧諸十方出生如來與一切法同體平等於諸脩行實無有二此示法性圓滿本無迷悟平等無二但契一真不假多行故云於諸脩行實無有二方便隨順其數無量圓攝所歸循性差別當有三種

此正入證之門也然覺性徧滿一切諸法則法法皆爲入証之門但隨機圓攝不無其要故但有三門然此三門卽楞嚴三觀謂空假

1 2 3 4 5 6 7 8 9 10 1 2 3 4 5 6 7 8 9 10

中也且二經列三名同一梵語謂奢摩他三  
摩鉢提禪那古釋奢摩他此翻云止以寂靜  
爲相義當空觀三摩鉢提此翻云等至亦名  
等持以幻化爲相義當假觀禪那此翻云靜  
慮雙離靜幻以寂滅爲相下義當中觀然脩  
證必須三觀者以如來藏心具三諦理謂空  
不空空不空此以三觀各照一諦圓攝一心  
故曰圓照以一心圓照則爲頓三觀次第各  
照故爲漸其實本無三一大第之差也後文

自明

初奢摩他

善男子若諸菩薩悟淨圓覺

此標行本乃悟後稱性脩非迷中脩也謂菩  
薩脩行先要了悟本有淨圓真心依此不生  
不滅真心安立觀行淨治歷劫無明習氣以  
此爲脩唯約稱性爲脩耳  
以淨覺心取靜爲行由澄諸念覺識煩動靜慧  
發生身心客塵從此永滅

此示空觀行相也發覺初心以靜爲首以未悟時一向妄想動亂今既悟此心卽以所悟覺心發起觀照返觀不動之心體故云取靜爲行由此妄想消歇則見阿賴耶中習氣生滅之相故云由澄諸念覺識煩動久久觀察則自心光明忽然發現故云靜慧發生心光一發則頓見身心幻妄本來不有故如客塵如此則內脫身心故云未滅此最初工夫一念頓證無生也

便能內發寂靜輕安由寂靜故十方世界諸如來心於中顯現如鏡中像

此示入觀之效也以圓覺妙心向以幻妄身心無明遮障今身心旣脫則無明重擔歇滅故云內發寂靜輕安到此十方廓然則本有法身挺露故云諸如來心顯現如鏡中像所謂諸佛法身入我性我心還共如來合乃妙契法身此正楞嚴返流全一六用不行十方國土皎然清淨譬如琉璃內懸明月乃至一

廣覺經直解

五

切如來密圓淨妙皆現其中當圓教頓破無明之相也

此方便者名奢摩他

結名也奢摩他此翻云止寂靜義在因名止

在果名定義當空觀

次三摩鉢提

善男子若諸菩薩悟淨圓覺

以所悟淨圓覺心而爲行本  
以淨覺心知覺心性及與根塵皆因幻化卽起

諸幻以除幻者變化諸幻而開幻衆由起幻故便能內發大悲輕安

此示假觀行相也心性識也謂依所悟淨圓覺心發起智照照彼識與根塵本來不有皆因無明之所變現雖有而性常自空故云皆因幻化然幻化指枝末無明也旣了自己識及根塵悉如幻化則例觀一切衆生一一如幻故云卽起諸幻以除幻者諸幻謂幻智此幻者推根本無明謂依如幻始覺之智頓破

根本無明變化等者謂除滅無明自然而有不思議業用故云變化諸幻而開幻衆廣作度生佛事現十界身普應一切此出真涉假之行相也由起幻等者謂已證真如從真如起利生事業而以同體大悲廣化衆生不取衆生之相故云大悲輕安

一切菩薩從此起行漸次增進彼觀幻者非同幻故非同幻觀皆是幻故幻相未滅

此示觀行增進之相也以証性未圓無明未

淨漸漸深入故云漸次以對待未忘先遣所觀之境猶存能觀之智故云彼觀幻者非同幻故觀幻者觀卽能觀之智幻者卽所觀之境真智獨存故不同彼幻然所觀旣忘能觀亦泯若存能觀猶未離幻故云非同幻觀皆是幻故能所雙忘境智俱絕唯一真心故云幻相未離

是諸菩薩所圓妙行如土長苗

此喻增進之相也謂菩薩觀行境智雙忘一

真獨立則法身真地智種靈苗漸漸增長土  
喻法身真地本覺真如如種子觀智增明如  
苗長

此方便者名三摩鉢提  
此結觀名也梵語三摩鉢提此云等至等持  
之中能至聖位故

三禪那

善男子若諸菩薩悟淨圓覺

此標行本

以淨覺心不取幻化及諸淨相了知身心皆爲  
堅礙無知覺明不依諸礙永得超過礙無礙境  
受用世界及與身心相在塵城如器中錚聲出  
於外煩惱涅槃不相留礙

此正示中觀行相也謂依所悟淨圓覺心建  
立觀行直觀中道一心外忘其境故云不取  
幻化內忘其智不取靜相境智俱忘身心寂  
滅皆無障礙故云了知知覺明乃根本無明  
也謂對待既忘能所不立則無明淨盡故云

無知覺明境智俱空故云不依諸礙以離境  
故超礙離智故超無礙畢竟寂滅故云未得  
超過錘乃鐘鼓之聲言雖有體質而不碍聲  
之遠達正取器微聲大以明卽礙處能達無  
礙意謂向心境未忘則身心世界爲礙今既  
了悟法身卽此幻妄身心世界不礙法身故  
云受用世界及與身心相在塵域如器中錘  
聲出於外以喻法身出礙也煩惱約生死法  
謂身心世界也涅槃約理智唯一真心故生

死涅槃不相留礙也  
便能內發寂滅輕安妙覺隨順寂滅境界自他  
身心所不能及衆生壽命皆爲浮想  
此示觀行成益之相也以生滅旣滅寂滅現  
前三德圓證涅槃常樂故云寂靜輕安心心  
隨順妙覺寂滅故云自他身心所不能及衆  
生壽命皆爲浮想此則二障未斷二死未忘  
善所謂究竟一心之極證也  
此方便者名爲禪那

此結名也

善男子此三法門皆是圓覺親近隨順十方如來因此成佛士方菩薩種種方便一切同異皆依如是三種事業若得圓證卽成圓覺此總結方便之漸次也謂此三法門皆是隨順親近圓覺之方便卽如來之因地諸菩薩之萬行或漸次或偏圓皆依如是三種事業或單復圓脩若一念圓證卽成圓覺善男子假使有人脩於聖道教化成就百千萬

億阿羅漢辟支佛果不如有人聞此圓覺無礙法門一剎那頃隨順脩習

此結行顯勝也偏圓脩習日劫相倍故教多  
多二乘不若暫聞此法以是成佛正因故爾時世尊欲重宣此義而說偈言

次以偈重宣

威德汝當知 無上大覺心 本際無二相  
隨順諸方便 其數卽無量 如來總開示  
便有三種類

總頒標立三種觀行

寂靜奢摩他 如鏡照諸像 如幻三摩地  
如苗漸增長 禪那唯寂滅 如彼器中錐  
此頌三種行相

三種妙法門 皆是覺隨順 十方諸如來  
及諸大菩薩 因地得成道 三事圓證故  
此總頌結名

初進問威儀

慶讚

世尊此諸方便一切菩薩於圓覺門有幾脩習  
此正陳問意也謂前佛說三觀未審菩薩所  
脩爲一人具三爲三人各一爲同時爲次第  
故請開示以便脩習也

作是語已五體投地如是三請終而復始

三展虔誠

爾時世尊告辨音菩薩言善哉善哉善男子汝等乃能爲諸大衆及末世衆生問於如來如是脩習汝今諦聽當爲汝說

誠聽許說

時辨音菩薩奉教歡喜及諸大衆默然而聽

佇聽

善男子一切如來圓覺清淨本無脩習及脩習

者一切菩薩及末世衆生依於末覺幻力脩習爾時便有二十五種清淨定輪此總答問意也圓覺淨性衆生本具不假脩習但今在迷中以幻脩幻唯以幻力故有二十五種之不同蓋三觀一心元無別異第各隨人意要偏重所習展轉而爲三十五輪非定有二十五種也然二十五種不出三觀單複圓脩而分差別初單脩三觀

若諸菩薩唯取極靜由靜力故末斷煩惱究竟

成就不起於座便入涅槃此菩薩者名单脩奢摩他

此單脩空觀也然三諦本唯一境故三觀本乎一心圓融該攝舉一卽具三言三體卽一所謂正偏兼帶故雖單脩一觀必兼餘二雖不明說義卽全具今言唯取極靜是以觀空爲主由靜力故未斷煩惱則義該於假以煩惱幻化以靜力斷之若究竟成就圓證一心則攝中也故不起於座便入涅槃此單以圓

脩空觀而入也能作如是觀義方滿足標名應有悟淨圓覺四字譯人略耳

若諸菩薩唯觀如幻以佛力故變化世界種種作用備行菩薩清淨妙行於陀羅尼不失寂念及諸靜慧此菩薩者名单脩三摩鉢提

此單脩假觀也佛力者謂自性本具真如佛性內熏之力故發起種種變化作用備脩妙用兼攝一心中道寂滅之體而起空慧照破

無明是以假攝中空也。若諸菩薩唯滅諸幻不取作用獨斷煩惱煩惱斷盡便証實相此菩薩者名單脩禪那此單脩禪那中觀也。唯滅諸幻獨斷煩惱乃攝假入中煩惱斷盡便登實相乃攝空入中正遮照同時以顯中也。以唯滅斷盡則雙遮獨斷便證則雙照此上單脩三觀也。下複脩二十一輪每觀領七故二十一初空觀領七先複二觀二。

初先空後假。  
若諸菩薩先取至靜以靜慧心照諸幻者便於是中起菩薩行此菩薩者名先脩奢摩他後脩三摩鉢提。  
次先空後中而人殊知此菩薩者名前資生。  
若諸菩薩以靜慧故證至靜性便斷煩惱未出生死此菩薩者名脩奢摩他後脩禪那。  
卽體之智故云靜慧還照寂體故云證至靜性便斷煩惱未出生死因亡果喪圓證一心。

1 2 3 4 5 6 7 8 9 10 1 2 3 4 5 6 7 8 9 10

圓覺經疏

卷下

故爲中道

次復三觀二云

初先空次假後中

若諸菩薩以寂靜慧復現幻力種種變現度諸衆生後斷煩惱而入寂滅此菩薩者先脩奢摩他次脩三摩鉢提後脩禪那

次先空次中後假對菩薩說此是中後修若諸菩薩以至靜力斷煩惱已後起菩薩清淨妙行度諸衆生此菩薩者名先脩奢摩他中脩

禪那後脩三摩鉢提

次齊脩三觀有三

初先靜齊寂幻

若諸菩薩以至靜力心斷煩惱復度衆生建立世界此菩薩者名先脩奢摩他齊脩三摩鉢提禪那

次先齊靜幻後寂

若諸菩薩以至靜力資發變化後斷煩惱此菩薩者名齊脩奢摩他三摩鉢提後脩禪那

圓覺經直解

若諸菩薩以至靜力用資寂滅後起作用變化  
世界此菩薩者名齊脩奢摩他禪那後脩三摩  
鉢提

上靜觀七輪已竟 下幻觀七輪

初先幻後靜

若諸菩薩以變化力種種隨順而取至靜此菩  
薩者名先脩三摩鉢提後脩奢摩他

次先幻後寂

若諸菩薩以變化力種種境界而取寂滅此菩

薩者名先脩三摩鉢提後脩禪那

上複二後複三

初先幻次靜後寂

若諸菩薩以變化力而作佛事安住寂靜而斷  
煩惱此菩薩者名先脩三摩鉢提中脩奢摩他

後脩禪那

次先幻次寂後靜

若諸菩薩以變化力無礙作用斷煩惱故安住  
至靜此菩薩者名先脩三摩鉢提中脩禪那後

80

1 2 3 4 5 6 7 8 9 100

脩奢摩他後齊三觀三摩鉢中舍摩那

初先幻齊靜寂

若諸菩薩以變化力方便作用至靜寂滅二俱隨順此菩薩者名先脩三摩鉢提齊脩奢摩他禪那

次齊幻靜後寂

若諸菩薩以變化力種種起用資於至靜後斷煩惱此菩薩者名齊脩三摩鉢提奢摩他後脩禪那

後齊幻寂後靜

若諸菩薩以變化力資於寂滅後住清淨無作靜慮此菩薩者名齊脩三摩鉢提禪那後脩奢摩他

三寂觀領七復二有二

先寂後靜

若諸菩薩以寂滅力而起至靜住於清淨此菩薩者名先脩禪那後脩奢摩他

次先寂後幻滅而起於無一限覺滅用

圓覺經疏解卷一

十一

若諸菩薩以寂滅力而起作用於一切境寂用隨順此菩薩者名先脩禪那後脩三摩鉢提次複三有二初先寂次靜後幻若諸菩薩以寂滅力種種自性安於靜慮而起變化此菩薩者名先脩禪那中脩奢摩他後脩三摩鉢提

次先寂次幻後靜

若諸菩薩以寂滅力無作自性起於作用清淨境界歸於靜慮此菩薩者名先脩禪那中脩三

摩鉢提後脩奢摩他

後齊三有三

初先寂齊靜幻

若諸菩薩以寂滅力種種清淨而住靜慮起於變化此菩薩者名先脩禪那齊脩奢摩他三摩

鉢提

次齊寂靜後幻

若諸菩薩以寂滅力資於至靜而起變化此菩

薩者名齊脩禪那奢摩他後脩三摩鉢提

後齊寂幻後靜

若諸菩薩以寂滅力資於變化而起至靜清明  
境慧此菩薩者名齊脩禪那三摩鉢提後脩奢  
摩他

### 後圓脩三觀

若諸菩薩以圓覺慧圓合一切於諸性相無離  
覺性此菩薩者名爲圓脩三種自性清淨隨順  
此圓脩三觀乃三觀一心一念具足卽初云  
圓照清淨覺相圓覺圓合卽圓照一切則該  
十法界於諸性相無離覺性卽清淨覺相諸

佛本起因地唯一心圓照法界以爲妙行故  
二十五輪究竟歸極於此意顯此一觀以爲  
圓脩其二十四皆隨根耳

善男子是名菩薩二十五輪一切菩薩脩行如  
是若諸菩薩及末世衆生依此輪者當持梵行  
寂靜思惟求哀懺悔經三七日於二十五輪各  
安標記至心求哀隨手結取依結開示便知頓  
漸一念疑悔卽不成就

此總結勸脩也當持梵行者所謂因戒生定

80

1 2 3 4 5 6 7 8 9 100

卽楞嚴三種漸次乃入禪之基本也寂靜思惟懺悔卽觀罪性空所謂若欲懺悔者端坐念實相也求哀結標以驗根之頓漸乃請諸聖神力加持起決定信耳爾時世尊欲重宣此義而說偈言  
辨音汝當知一切諸菩薩無礙清淨覺皆依禪定生所謂奢摩他三摩提禪那三法漸次脩有三十五種十方諸如來三世脩行者無不因此法而得成菩提

唯除頓覺人并法不隨順  
二十五輪皆菩薩因行頌言十方如來意約所趣之果此正如來因地法行也頓覺人則不須漸次法不隨順者乃闡提不信之人則漸亦不能入矣

一切諸菩薩及末世衆生常當持此輪隨順勤脩習依佛大悲力不以證涅槃此頌結勸也

於是淨諸業障菩薩在大衆中卽從座起頂禮

佛足右繞三匝長跪叉手而白佛言

問法威儀

大悲世尊爲我等輩廣說如是不思議事一切  
如來因地行相令諸大衆得未曾有覩見調御  
歷恒沙劫勤苦境界一切功用猶如一念我等  
菩薩深自慶慰

此慶所聞也。謂從一心建諸定輪，乃諸如來因地行相勤苦，境界一念具見，故深自慶也。世尊若此覺性本性清淨，因何染污？使諸衆生

迷悶不入

此正問也。上章佛說一切如來圓覺清淨本無脩習。然清淨則本來無染。今因何有染污更假脩耶。

唯願如來廣爲我等開悟法性今此大衆及末世衆生作將來眼

此請意也

說是語已五體投地如是三請終而復始

爾時世尊告淨諸業障菩薩言善哉善哉善男子汝等乃能爲諸大衆及末世衆生咨問如來如是方便汝今諦聽當爲汝說

讚許

時淨諸業障菩薩奉教歡喜及諸大衆默然而聽

默佇

善男子一切衆生從無始來妄想孰有我人衆生及與壽命認四顛倒實爲我體由此更生憎

愛二境於虛妄體重執虛妄二妄相依生妄業道有妄業故妄見流轉厭流轉者妄見涅槃此正答染污所以也一切衆生從無始來妄想執有我人等者正初所云妄認四大爲自身相六塵緣影爲自心相者也由諸衆生最初不覺迷本法身故妄認五蘊幻妄身心爲實我體故名我相計我展轉趣於餘趣故名人相計我盛哀苦樂變異相續爲衆生相計有一期命根不斷爲壽者相以不達無我執

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

妄爲真故云顛倒然執虛妄爲我已是顛倒  
 且於此妄我起憎愛之心故云重執虛妄此  
 起惑也心境二妄相依造種種業故云生妄  
 業道此造業也故有妄業必受苦報流轉生  
 死此苦果也惑業苦三皆因妄認我執以取  
 三界輪廻故云流轉此分段生死也若二乘  
 人厭生死苦斷煩惱集出三界外復妄見涅  
 槃以取變易生死之苦皆由執我之故也故  
 云由此更生等然此四相有迷識迷智麓細

之分麓者迷識乃凡夫妄認五蘊爲我妄生  
 憎愛乃金剛經前半所明者是也細者迷智  
 乃一切聖賢妄有証得能所未忘卽此經所  
 說乃金剛經後半所明者是也此中麓細二  
 種我執正屬俱生此經衆生意該九界此中  
 先舉凡夫之四相以顯三乘之四相以凡夫  
 四相由憎愛而有三乘四相由證取而有以  
 證取發於愛根種子故凡聖雙舉

能入非覺入故是故動念及與息念皆歸迷悶此正答不能入覺之所以也由上所說妄執我故染污真性由此不能入清淨覺蓋非覺性違拒不不容入也以執我能入覺故云有諸能入非覺入覺耳若以覺入覺則如空合空又何拒之有以我執未忘故凡夫動念二乘息念皆歸迷悶

下重微釋迷悶之本

何以故由有無始本起無明爲已主宰

此微釋迷悶之根本也本起無明謂最初一念不覺生相無明也法身無我由一念無明迷本法身成陀那識爲我相根本自此皆是無明用事故云爲已主宰我者主宰義謂從無始至今一向皆是無明主宰是爲我相自等覺已還未破生相無明異熟未空皆屬我相然此我相與諸教所說不同後文自明一切衆生生無慧目身心等性皆是無明譬如有人不自斷命

圓覺經疏解

卷下

此重釋無始無明至今難斷之所以也謂全體無明變成五蘊身心然此根本無明非根本智照不能破以諸衆生從來未逢知識開發慧眼照破豈有無明能斷無明之理耶故云譬如有人不自斷命

是故當知有愛我者我與隨順非隨順者便生憎怨爲憎愛心養無明故相續求道皆不成就此序無明相續長劫之所以也謂此無明相續長劫而難斷者以有憎愛二惑以滋養之

也以執我故則偏愛我若有愛我者則更增長我之愛見若違我者必生憎怨然憎怨亦從愛起以不順其愛故憎怨耳以此憎愛資熏無明種子發起現行故劫劫生生愛憎未斷故無明日厚所以相續長劫生死耳今以愛憎之心而求佛道豈有成道之理耶故云皆不成就下示相

善男子云何我相謂諸衆生心所證者

此正示我相之體也此我等四相舊解都分

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

龍細今詳佛意指無始無明爲已主宰是爲我體是則四相單約生相無明今以觀照研窮對待未忘展轉有四原非龍細之分也何以明之謂妙性圓明本無能所良由最初一念障此妙性失其本明故名無明自爾以來一向皆是無明爲已主宰而爲我體今以始覺觀照欲證圓覺未能圓合中間皆因根本無明而爲障礙故對待未忘卽此所對所證者乃是無明非覺性也故云心所證者乃我

相也按此始起無明爲我豈有龍細之分耶求嘉一念中五陰正此意耳智者請深觀之下以喻明善男子譬如有人百骸調適忽忘我身四肢絃緩攝養乖方微加針艾則知有我是故證取方現我體

此以喻明我相也謂衆生向以無明用事不知有我任運而已故如人調適忘身今以觀照研窮方顯無明之體故如人針艾知有我

身也以觀心所取證者乃是無明非覺性也  
故云取證方現我體前佛明言無始無明爲  
已主宰乃的指根本無明爲我豈可以籠惑  
目之耶 下結指

善男子其心乃至證於如來畢竟了知清淨涅槃  
皆是我相唐人百燭圖文卷九  
此結指我相根本也意謂不獨三賢十聖之所證者爲我乃至證於如來究竟涅槃若一念證性未忘乃生相無明未破正是我相根本

雲門云法身亦有兩般病得到法身邊若法執不忘已見猶存亦是病問曰三乘教中說俱生我執七地已破其八地後乃俱生法執破此法執卽入妙覺今經等覺後心猶未破我相何相懸若此耶答曰然我法二執總屬一我謂我之我我之法然俱生法執正是我所執之法故法亦名我以異熟未空故但約證取爲我耳此經不同諸說以四相總屬一我故云皆是我相

## 次人相

善男子云何人相謂諸衆生心悟證者善男子悟有我者不復認我所悟非我悟亦如是悟已超過一切證者悉爲人相此示人相也謂前所證者是我則不復認我若存我能悟之心卽爲人相以約對我爲人非他人也善男子其心乃至圓悟涅槃俱是我者心存少悟備殫證理皆名人相

此釋人相也謂縱然悟得涅槃是我不自證取卽此能悟之心皆名人相殫盡也謂了悟涅槃極盡之理爲我若存絲毫悟心未忘卽名人相

善男子云何衆生相謂諸衆生心自證悟所不及者

此示衆生相也謂覺前證悟二皆是妄卽此入覺了之心名衆生相以此覺了之心非證悟之可及者以見有證悟之可離故名衆生相

善男子譬如有人作如是言我是衆生則知彼人說衆生者非我非彼云何非我我是衆生則非是我云何非彼我是衆生非彼我故借明衆生相也以凡夫之衆生相乃計我所感苦樂變異相續爲衆生相今聖人但以了悟證取兩忘能所只存能了之心爲衆生相以不屬能所故借世人彼此之語以喻明之謂言我是衆生故非我非彼下結指時世隨逐然吾釋迦牟尼不自指

善男子但諸衆生了證了悟皆爲我人而我人相所不及者存有所了名衆生相此正示其相謂了前證悟二皆不及只此了心不忘爲衆生相耳直以革面墨面入禪那善男子云何壽命相謂諸衆生心照清淨覺所了者一切業智所不自見猶如命根取於本體此示壽命相也謂前能了之心爲衆生相今觀智增明照此了心亦不可得唯一清淨覺體所謂覺心源故名究竟覺到此境智俱泯

一切俱離謂以卽心之智還照寂滅之體境  
 智一如如眼不見眼故云一切業知所不自  
 見以返妄歸真至法身極則處但守住寂滅  
 不能轉位廻機所謂抱守竿頭靜沉死水宗  
 門名爲尊貴墮卽此墮處不能超越故猶如  
 命根爲壽命相語云百尺竿頭坐的人雖然  
 得入未爲真百尺竿頭重進步大千世界現  
 全身故以坐守玄微命根不斷前云不住生  
 菩死不住涅槃此正住涅槃相耳

善男子若心照見一切覺者皆爲塵垢覺所覺  
 者不離塵故如湯消冰無別有。冰知冰消者存  
 我覺我亦復如是

此直示妄源也一切覺者前三相也謂心照  
 清淨覺前三相皆爲塵垢卽此覺心亦未離  
 塵然以真照妄妄卽是真故如湯消冰冰卽  
 是湯今存我覺我則如冰知冰以不能自遣  
 故如不自斷命所以爲壽者相也

善男子末世衆生不了四相雖經多劫勤苦脩道終不能成一切聖果是故名爲正法末世此明我爲障道之本也謂末世衆生若不了此四相縱多劫勤苦終不能成聖果以執我見而脩故也正法末世謂末世衆生幸遇此圓教法門可爲正法若錯亂脩習與不脩等故無行證所以爲末法也釋迦法中正法一千年教理行果四法皆全像法一千年有教理行而證果者少末法一萬年但有教理而

無行證今教理雖存而徒勞無益者多矣下有三微三釋此久脩無證之義

何以故

此微何故久脩無證耶 下釋

認一切我爲涅槃故有證有悟名成就故譬如有人認貳爲子其家財寶終不成就  
釋義謂所以久脩不證者以認一切我爲涅槃故以證悟未忘得少爲足故言認一切我者謂凡所脩行皆依我見將此我見以爲涅

80

1 2 3 4 5 6 7 8 9

90

1 2 3 4 5 6 7 8 9

100

槃故終不成就耳認賊爲子喻終不成就  
何以故此微何故認我便妨於道耶  
有愛我者亦愛涅槃伏我愛根爲涅槃相有憎  
我者亦憎生死不知愛根真生死故別憎生死  
名不解脫

釋義所以認我妨道者以我爲愛憎之根本  
故也謂凡執我者必愛我今以我愛而求涅  
槃則涅槃但資愛根非真涅槃也故云伏我

愛根爲涅槃相故非真也凡不順我愛者必  
起憎心以有憎我者亦憎生死然此憎心本  
從愛起不知此愛真生死本故今脩行人不  
知斷已愛根而別憎生死迷之甚也故不解  
脫然說認我妨道者以愛資愛故也

云何當知法不解脫

此微云何當知愛涅槃者本解脫法何以返  
不解脫耶

善男子末世衆生習菩提者以已微證爲自清

淨猶未能盡我相根本釋義所以於涅槃法不解除者以執我而求以取微證便自以爲清淨得少爲足未盡我相根本故不解除耳

下以境驗知不解脫處

若復有人讚嘆彼法卽生歡喜便欲濟度若復  
誹謗彼所得者便生嗔恨潛伏藏識遊戲諸根  
會不間斷

此以違順二境以驗我初未忘也言脩行人

自謂已得涅槃法矣假若有人讚嘆彼法則生歡喜誹謗彼法則生嗔恨然涅槃乃空法也何有喜怒於其間今聞讚誹而生喜怒卽此喜怒本於我相非涅槃也以此驗知其人我相堅固執持以此種子潛伏藏識遇境擊發現行則遊戲諸根曾不間斷以此求道云何而得解脫耶

此總結執我求道之過也

下翻顯病源者不知其由起不識人情事  
善男子若知我空無毀我者有我說法我未斷  
故衆生壽命亦復如是

此以法驗病翻顯我相未忘也然涅槃乃空  
法也若果證涅槃則我相必空我相若空則  
何有讚毀哉今因讚毀其法而生喜怒正是  
我相未斷若我相未斷則人及衆生壽命四  
相居然全在如此正是衆生病根又豈可爲

得涅槃耶

下正示病源者不知其由起不識人情事  
善男子末世衆生說病爲法是故名爲可憐愍  
者雖勤精進增益諸病是故不能入清淨覺  
此正示病源也謂末世脩行之人未斷我相  
以認我爲法故所說者乃說其我相之病非  
說涅槃之法也故云說病爲法以此之故雖  
精進脩行但增益諸病故不能入清淨覺耳  
是故名爲可憐愍者

下示執病之過

善男子未世衆生不了四相以如來解及所行處爲自脩行終不成就此示執病爲法之過也謂脩行之人不了四相但以如來解行廻爲已有非已親證故終不能成就或有衆生未得謂得未證謂證見勝進者心生嫉妒由彼衆生未斷我見是故不能入清淨覺此示執病之過必墮增上慢人也其實未得

未證而自謂爲證得少爲足故爲增上慢  
乃是我愛未斷者何以知之但於見勝進者  
心生嫉妒然此嫉妒之心發於我愛故知此  
人乃未斷我愛者是故不能入清淨覺此甚  
言我愛爲病根也

善男子末世衆生希望成道無令求悟唯益多聞增長我見

相未除者祇是將心待悟一事爲病根耳苟有待悟之心則必廣求經教執相似語廻爲已解放故此但只增益多聞增長我見非真脩也末法志道之士可不懼哉

但當精進降伏煩惱起大勇猛未得令得未斷令斷貪嗔愛憍諧曲嫉妒對境不生彼我恩愛一切寂滅佛說是人漸次成就求善知識不墮邪見  
此勸真脩也真脩之士不必將心待悟亦不

必廣求多聞只當降伏煩惱爲第一行亦不可得少爲足其未得涅槃必志得之其於未斷煩惱決欲斷之但歷境驗心若貪嗔愛憍一切煩惱對境果然不生否至若彼我恩愛果然一切寂滅否如此自驗其心卽如古德云學道不必將心求悟但於一切煩惱境界上透得過便是悟處故佛說此人漸次可以成就雖然如是更要求善知識決擇邪正分明亦不墮於邪見如此脩行方有少分相應

耳學者可不勉哉

若有所求別生憎愛則不能入清淨覺海

此重勉真脩誠令離過也謂必如上所說乃是真脩若捨此外別起欣厭取捨憎愛之心

則畢竟不能入清淨覺矣

爾時世尊欲重宣此義而說偈言

淨業汝當知一切諸衆生皆由執我愛

無始妄流轉其未除四種相去不得成菩提

愛憎生於心謗曲存諸念是故多迷悶

不能入覺城

城喻涅槃謂此涅槃魔外不能侵萬德之所聚衆聖之所歸萬行之所入故喻如城若能歸悟刹先去貪嗔痴法愛不存心漸次可成就我身本不有憎愛何由生此人求善友終不墮邪見所求別生心究竟非成就

刹乃世界之都稱亦取喻涅槃心愛涅槃故云法愛餘頌可知

於是普覺菩薩在大衆中卽從座起頂禮佛足右繞三匝長跪叉手而白佛言

進問威儀

大悲世尊快說禪病令諸大衆得未曾有心意蕩然獲大安隱

讚謝

世尊末世衆生去佛漸遠賢聖隱伏邪法增熾使諸衆生求何等人依何等法行何等行除去何病云何發心令彼羣盲不墮邪見

此正陳所問也此間有五一問求何等人下答求善知識二問依何等法三問依何等行四問除去何病此三總答依所證法應離四病五問云何發心末後發廣大等心下文俱明

作是語已五體投地如是三請終而復始三展翹勤

爾時世尊告普覺菩薩言善哉善哉善男子汝等乃能諮詢如來如是脩行能施末世一切衆

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

生無畏道眼令彼衆生得成聖道汝今諦聽當爲汝說

讚許誠聽

時普覺菩薩奉教歡喜及諸大衆默然而聽  
佇聽下答有五初答求人

善男子末世衆生將發大心求善知識欲脩行者當求一切正知見人心不住相不着聲聞緣覺境界雖現塵勞心恒清淨示有諸過讚歎梵行不令衆生入不律儀求如是人卽得成就阿

耨多羅三藐三菩提

此答求何等人也善知識謂善知衆生根器應機說法知病說藥令得安隱也正知見人卽心不住相不着二乘之行者雖現塵勞等六句言善知識之行也菩薩居塵不染故云心恒清淨以同事攝故云示有諸過先以欲鈞牽後令入佛智故云不令衆生入不律儀求如是人卽得成就無上正道也

末世衆生見如是人應當供養不惜身命彼善

80

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

知識四威儀中常現清淨乃至示現種種過患  
心無憍慢况復搏財妻子眷屬若善男子於彼  
善友不起惡念卽能究竟成就正覺心華發明  
照十方刹

此教承事知識之法範也不惜身命如雪山  
捨身常啼破骨乃至身爲床座等四儀常現  
清淨者乃善知識之順行也固當盡命承事  
卽有逆行示現貪嗔痴等如婆須密女無厭  
足王之類亦不敢起憍慢心况復搏財等耶

搏乃搏食財乃財寶意謂內現貪嗔尚不敢  
慢何況身外搏食財寶妻子眷屬乃人道之  
常如淨名之類又豈可慢之耶若脩行者於  
彼逆行知識不起惡念所謂依法不依人卽  
能究竟成就也求斷疑根直心正念故得心  
花發明照十方刹下答所依法

善男子彼善知識所證妙法應離四病  
此答所依法意在擇師乃求正知見人也脩  
行依法法必依師故在所擇正知見人乃可

80 1 2 3 4 5 6 7 8 9 100 1 2 3 4 5 6 7 8 9 100

依也如何得知是正知見人但於法驗之若所說法心住相者則爲法病若離法病則知見自正故從上諸祖拈情去縛曾無實法繫人是爲不住相者若此乃可依也

云何四病一者作病若復有人作如是言我於本心作種種行欲求圓覺彼圓覺性非作得故說名爲病

此徵釋四病之相一作病也然作爲病者以圓覺之性天然本具不假作爲今以有作之

脩而求圓覺妙性且此妙性豈作爲而可求耶故說爲病若復有人作如是言者假若彼知識自作此言也

二者任病若復有人作如是言我等今者不斷生死不求涅槃涅槃生死無起滅念任彼一切隨諸法性欲求圓覺彼圓覺性非任有故說名爲病

此示任爲病也然此任病乃狂解之人悠悠任性縱放身心自謂無拘無礙得大解脫返

借口本無生死可斷本無涅槃可證以爲放逸之資非真知見善知識也若依此等之人則墮狂妄故說任性爲病也

三者止病若復有人作如是言我今自心未息諸念得一切性寂然平等欲求圓覺彼圓覺性非止合故說名爲病  
此示止爲病也然圓覺普照大用無方豈可以未息諸念耽着枯寂之行以求之耶以圓覺妙性非止可合故說爲病耳

四者滅病若復有人作如是言我今永斷一切煩惱身心畢竟空無所有何況根塵虛妄境界一切永寂欲求圓覺彼圓覺性非寂相故說名爲病  
卷下總論發自對言之本自天然不離於此示滅爲病也覺性圓滿隨緣應現寂而常照今以畢竟空無有所則幾淪斷滅以永寂滅而求圓覺久則不沉無想則墮二乘故爲病耳  
離四病者則知清淨作是觀者名爲正觀若他

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

觀者名爲邪觀此結示正觀也初云圓照清淨覺相以圓覺妙性本不屬於作止任滅今離此四則自性圓明本無欠缺故云清淨然作止等四皆屬脩行功用今說爲病者以在未悟門頭此四皆藥今就圓覺自性言之本自天然不假功用故說爲病耳古德云脩行卽不無染污卽不得所謂但形文彩卽屬染汚故離此四則四名清淨作是觀者乃約法觀人非觀智也謂

觀離病之人乃不住相爲正知見人方取爲師可依之也

善男子末世衆生欲脩行者應當盡命供養善友事善知識彼善知識欲來親近應斷憍慢若復遠離應斷嗔恨現逆順境猶如虛空了知身心畢竟平等與諸衆生同體無異如是脩行方入圓覺

此答脩何等行也此中脩行不說六度萬行但只事善知識斷憍慢心一行爲本卽如善

順序自通

卷之三

卷之三

三

財童子一生圓曠劫之果唯以參善知識一事卽得圓滿無量法門所謂依善知識教人生二念故觀合離逆順之境猶如虛空且了知身心與衆生平等此無入我相乃受道之器也以此心此行方與圓覺法體相應故能入耳

愛亦復如是

此答除去何病也衆生所以流轉生死者以  
有無始無明愛憎種子爲障道之病根故雖  
脩行未得解脫今事善知識不起憍慢嗔恨  
之心則折伏現行了知自己身心與衆生平  
等則了無人我愛憎種子自伏至若視怨如  
親則愛憎種子自斷而障道之病自斷故云  
卽除諸病此正除病之妙藥也

言盡一切虛空一切衆生我皆令入究竟圓覺於圓覺中無取覺者除彼我相一切諸相如是發心不墮邪見

此答發何等心也般若彌勒頌云廣大第一常其心不顛倒此言盡空一切衆生廣大心也皆入究竟圓覺第一心也於圓覺中無取覺者常心也除彼我人一切諸相卽除四病不顛倒心也允諸行人親師授法脩行之要無由此者捨此卽墮邪見矣故云如是不墮

爾時世尊欲重宣此義而說偈言

普覺汝當知末世諸衆生欲求善知識應當求正見心遠二乘者

此頌求師

法中除四病謂作止任滅

此頌依法去病

親近無憍慢遠離無嗔恨見種種境界心當生希有衆還如佛出世此不犯非律戒戒根永清淨

此頌脩行不犯非律儀二句長行言在師示  
現有過不令衆生入不律儀此中正言弟子  
事師倘見逆行不得隨之便犯非律必以戒  
根末清淨而爲正行舊解爲追頌求師中文  
非本指也

度一切衆生 究竟入圓覺 無彼我人相  
當依正智慧 便得超邪見 證覺般涅槃  
此頌發心也五句頌四心因行末句顯果證  
於是圓覺菩薩在大衆中卽從座起頂禮佛足

### 右繞三匝長跪手而白佛言

進問威儀

大悲世尊爲我等輩廣說淨覺種種方便令末  
世衆生有大增益

慶前所聞

世尊我等今者以得開悟若佛滅後末世衆生  
未得悟者云何安居脩此圓覺清淨境界此圓  
覺中三種淨觀以何爲首唯願大悲爲諸大衆  
及末世衆生施大饒益

正陳請詞以何爲首卽最初方便也作是語已五體投地如是三請終而復始

三展虔誠

爾時世尊告圓覺菩薩言善哉善哉善男子汝等乃能問於如來如是方便以大饒益施諸衆生汝今諦聽當爲汝說

大許說誠聽

時圓覺菩薩奉教歡喜及諸大衆默然而聽

默佇

善男子一切衆生若佛住世若佛滅後若法末時有諸衆生具大乘性信佛秘密大圓覺心欲脩行者若在伽藍安居徒衆有緣事故隨分思察如我已說

此下正答所請也性謂種性猶根器也以圓覺乃秘密妙心非上根人不能脩習故許具大乘根性者可脩也意謂若無外緣則當安身居伽藍與衆同脩若有外緣不能安居者則當隨分思察也已說者如前當觀此身等

1 2 3 4 5 6 7 8 9 100

若復無有他事因緣卽建道場當立期限若立  
長期百二十日中期百日下期八十日安置淨  
居大乘是其旨意當依此無外於此當  
此教結制規則也意謂苟無外緣必以安居  
爲上易入道也三期隨意長短元無一定但  
取克期進道耳

若復現在當正思惟若佛滅後施設形像心存  
目想生正憶念還同如來常住之日懸諸幡花  
經三七日稽首十方諸佛名字求哀懺悔遇善  
境得心輕安過三七日一向攝念

此教安居進脩之法則也若如來在世則當  
正思惟佛若佛滅後則當設像觀佛法身故  
云還同常住懸諸幡花廣如楞嚴壇場今此  
中至簡故但舉幡華言懺悔得善境界者謂  
見光覩瑞感夢等乃滅罪之相也一向攝念  
則脩正觀應如二十五輪各安標記結取單  
複圓脩乃正行也

若經夏首三月安居當爲菩薩清淨住止心離

聲聞不假徒衆

此言入期之法言菩薩住止意揀小乘之衆也前言三期乃克定期限今結安居乃入期之法西域佛制三月安居通名結夏今言夏首乃入期之初也律制當結制時必先集衆布薩作法然後安居多小乘人今言菩薩住止者謂不同彼小乘多衆但隨一類脩觀行菩薩自便不必念彼小乘布薩法事亦不假彼徒衆也此言不假小乘徒衆非與前文安

處徒衆相違也

至安居日卽於佛前作如是言我比丘比丘尼優婆塞優婆夷甲踞菩薩乘脩寂滅行同入清

淨實相住持以大圓覺爲我伽藍身心安居平等性智涅槃自性無繫屬故今我敬請不依聲聞當與十方如來及大菩薩三月安居爲脩菩薩無上妙覺大因緣故不繫徒衆此示入期安心之法也上言心離聲聞此正示菩薩所脩乃離相寂滅之行不比聲聞着

相而脩也以大圓覺爲仰藍者謂不依世界  
住止乃住心境雙忘平等寂滅之地謂涅槃  
自性本無身心世界可繫屬故殊非聲聞境  
界故云不依唯依如來法身實際故爲菩薩  
所脩妙覺因緣乃自覺聖智之境爲自證處  
也此乃菩薩獨詣之地故云不繫徒衆某甲  
者以甲乙爲名之次乃當自稱已名也今諸  
方後進見善知識不自稱名但曰某甲無知  
之甚也

善男子此名菩薩示現安居過三期日隨往無  
礙

此結示休夏也言示現安居者以上言菩薩  
脩寂滅行安居平等性智此又何假期限耶  
然必以三期爲限者以示同權小引發未悟  
耳過期隨往無碍者以小乘解制之後有新  
學者凡所出遊侶須三人以防誤失今菩薩  
以觀知安心不必伴侶故云隨往無礙  
善男子若末世脩行衆生求菩薩道入三期者

非彼所聞一切境界終不可取此示妨悞失也所聞者卽上三觀單復圓脩也若非所聞一切境界皆不可取如楞嚴五十重陰魔及起信論中所說魔事皆不可取恐墮邪誤也初有二問一問安居二問三觀以何爲首上答安居竟下答初首方便善男子若諸衆生脩奢摩他先取至靜不起思念靜極便覺如是初靜從於一身至一世界

復如是善男子若覺徧滿一切界者一世界中有一衆生起一念者皆悉能知百千世界亦復如是非彼所聞一切境界終不可取

此答三觀初首先空觀方便也言脩奢摩他先取至靜者以止爲前方便也言至靜者卽天台三止中體真止謂體合真空故云至靜一念不生故不起思念靜極光生故云便覺初從一身等者謂內脫身心外遺世界内外平等寂然不動以身心世界蕩然一空則與

一切融爲一心 一切世界合爲一界 故凡衆生起心動念 卽從自心中現 故凡起一念無不了知 所謂靜極光通達寂照含虛空却來觀世間 猶如夢中事 此空觀之極則也 如此方名正觀 非彼所聞皆不可取

善男子 若諸衆生脩三摩鉢 提先當憶想十方如來十方世界 一切菩薩依種種門漸次脩行勤苦三昧 廣發大願自熏成種 並彼所聞一切境界終不可取

此示三摩鉢提假觀 方便也 三摩鉢提義當幻觀言憶想十方如來 一切菩薩種種脩行勤苦三昧者 謂思惟諸佛菩薩因中脩種種難行苦行度諸衆生於三昧中起如幻觀以已身心自歷其境內驗其心種種境界備歷如幻以此幻觀發度生願久熏成種 久久純熟便能內發大悲輕安而起菩薩利生妙行所謂以如幻觀而開幻衆作如幻佛事也此則三摩鉢提以如幻爲首也 非彼所聞終不

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

可取

善男子若諸衆生脩於禪那先取數門心中了知生住滅念分割頭數如是周遍四威儀中分別念數無不了知漸次增進乃至得知百千世界一滴之雨猶如目觀所受用物非彼所聞一切境界終不可取

此示寂觀方便初首也禪那義當中道一心名爲寂觀言先取數門者正入禪最初工夫也以脩禪人一向心多雜亂難得寂靜故先

以數門爲首謂初攝心先歸一息依息出入爲度數之從一至十又從十至一如此往復息息不斷心不昧生滅頭數一一分明白少至多以驗定力淺深若久久純熟數到一念不生則其息自斷寂然一心湛然安住是爲定相如此周遍四威儀中念念了知久則百千世界唯心所現乃至一滴之雨分明了知如目觀物此寂靜觀之成功也如起信所說脩止觀者不依氣息彼以內脫身心爲要

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

此依之者以初機攝心爲方便非究竟依之也若以息爲得則墮邪道非彼所聞也是名三觀初首方便

此結名也前問三種淨觀以何爲首故具答已於此結指是知前二十五輪但說觀相此三方便乃最初下手工夫卽楞嚴二十五聖一一皆說最初下手工功夫卽此義也若諸衆生徧脩三觀勤行精進卽名如來出現於世

此示三觀之益也以此三觀乃一切如來本起因地故有圓根衆生能徧脩三觀者卽名如來出現於世言畢竟成就無礙也有此勝益故勸應脩

若復末世鈍根衆生心欲求道不得成就由昔業根當勤懺悔常起希望先斷憎愛嫉妒諂曲求勝上心三種淨觀隨學一事此觀不得復脩彼觀心不放捨漸次求證此言鈍根障重衆生當以懺悔斷障爲要也

由昔業障者乃夙習種子今脩行時熏發現行作障道緣所謂好正而固邪欲潔而偏染者乃夙習使然也故當精勤懺悔消宿業障業障若消則道緣可辦也常起希望者謂希望願斷業障也故下卽云先斷憎愛等乃貪嗔痴也勝上心慢也謂根本煩惱既斷現行不行則習氣可除觀行易成此觀不得乃復脩彼觀者乃至十五輪標記之意故云漸次

爾時世尊欲重宣此義而說偈言  
圓覺汝當知 一切諸衆生 欲求無上道  
先當結三期 懺悔無始業 經於三七日  
然後正思惟 非彼所聞境 畢竟不可取  
奢摩他至靜 三摩正憶持 禪那名數門  
是名三淨觀  若能勤脩習  是名佛出世  
鉢根未成者 常當勤心悔 無始一切罪  
諸障若消滅  佛境便現前



時賢善首菩薩奉教歡喜及諸大衆默然而聽

默佇

善男子是經百千萬億恒河沙諸佛所說三世如來之所守護十方菩薩之所歸依十二部經清淨眼目

此總歎法勝令生信重也此經乃諸佛如來本起因地法行故是諸佛所說如來守護教授菩薩故爲菩薩之所歸依流出一切清淨

真如菩提涅槃故爲十二部經之眼目  
是經名大方廣圓覺陀羅尼亦名脩多羅了義亦名秘密王三昧亦名如來決定境界亦名如來藏自性差別汝當奉持

此答名字示經名有五種也今結集經題但存其二舊解五名約教理行脩多羅約教秘密王三昧約行餘皆約理中道一心故曰秘密非密語也依如來藏建立差別義盡於此當如是持奉無取來此長樂妙來此長樂

圓覺經疏解卷下

善男子是經唯顯如來境界唯佛如來能盡宣說若菩薩及末世衆生依此脩行漸次增進至於佛地此數法勝意令脩習答至何地也佛佛成道皆依圓覺爲本因及成佛利生亦唯說此法教化菩薩此外更無別法故勸令脩習可至佛地也善男子是經名爲頓教大乘頓機衆生從此開悟亦攝漸脩一切羣品譬如大海不讓小流乃

至政鈞及阿脩羅飲其水者皆得克滿

此答何功德也獨被上根故教稱圓頓普攝三根故功德最大以是一切衆生清淨覺地人皆證圓覺故無不充足故如大海不讓細流飲者大小皆足也善男子假使有人純以七寶積滿三千大千世界以用布施不如有人聞此經名及一句義舉此較量顯勝也世寶盈利但資有漏至理一善言必轉凡成聖故功倍天淵

80 1 2 3 4 5 6 7 8 9

90 1 2 3 4 5 6 7 8 9

100

善男子假使有人教百千恒沙衆生得阿羅漢  
果不如有人宣說此經分別半偈  
此以人較法更顯益也小果雖多終無實證  
此經半偈爲成佛正因故難比也  
善男子若復有人聞此經名信心不惑當知是  
人非於一佛土佛種諸福慧如是乃至盡恒河  
沙一切佛所種諸善根聞此經教  
此歎勝機能受也謂能信受此法者蓋從多  
至佛廣脩福慧殊非小福薄德之人可堪也

汝善男子當護末世是脩行者無令惡魔及諸  
外道惱其身心令生退屈  
此正囑流通以護脩行者爲第一也以脩習  
此法者乃慧命所係若惡魔惱亂生退則慧  
命斷絕故當護持也  
爾時會中有大首金剛摧碎金剛尼藍婆金剛  
等八萬金剛并其眷屬卽從座起頂禮佛足右  
繞三匝而白佛言世尊若後末世一切衆生有  
能持此決定大乘我當守護如護眼目乃至道

場所脩行處我等金剛自領徒衆晨夕守護令  
不退轉其家乃至末無災障瘦病消滅財寶豐  
足常不乏少其眷屬皆持守護者

爾此叙金剛受囑發願守護持經人也金剛者  
以護法神執此寶杵故此得名以金剛寶能  
碎一切故言火首金剛謂頭有火燄卽楞嚴  
所云化多燭心成智慧火者乃菩薩示現者  
也尼藍婆未詳所譯言此諸神皆夙習發願  
守護法者也故常在佛會

爾時大梵天王二十八天王并須彌山王護國  
天王等卽從座起頂禮佛足又繞三匝而白佛  
言世尊我亦守護是持經者常令安隱心不退  
轉

此叙諸天受囑護持經者也大梵天王乃初  
禪王爲娑婆世界主佛佛出世此王爲請主  
二十八天總舉三界諸天謂六欲天十八禪  
天四空天也須彌山王特舉帝釋乃欲界主  
護國天王乃四王天爲守護國界之主意列

三界諸天皆為護持也

爾時有力鬼王名吉槃茶與十萬鬼王卽從座起頂禮佛足右繞三匝而白佛言世尊我等亦守護是持經人朝夕侍衛令不退屈其人所居一由旬內若有鬼神侵其境界我當使其碎如微塵

此叙鬼神受囑護持經者也吉槃茶亦名鳩槃茶此云可畏鬼食人精氣其疾如風變化無端住於林野管諸鬼衆故號爲王不屬人

天单居鬼趣此鬼旣發願守護則一切惡鬼無能爲害者矣一由旬四十里言守護方隅可四十里內無災害也

問此經乃佛住大光明藏中入於三昧爲地上一類大菩薩說二乘絕分故前法會不列又何有諸天鬼神發願守護耶王而不畔其答曰此非常情可測也然佛住大光明藏義當常寂光土則自他平等說聽皆無旣曰於不二境現諸淨土則不特實報而同居必該

若華嚴實報必攝同居故華嚴法會諸天神王各各讚佛各得一種法門豈絕無耶是以約法則二乘絕分約境則凡聖該通况圓音落落十刹頓周豈此界諸天神王而不仰其嘉會耶况影響示現住佛境界無足疑也佛說此經已一切菩薩天龍鬼神八部眷屬及諸天王梵王等一切大眾聞佛所說皆大歡喜信受奉行害未一由廿四山言安處文開此結會也舊解此天龍八部必內證法性示

現此形者然會初不列義顯法勝結會該衆義必同聞故皆大歡喜信受奉行

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

刻圓覺經解後跋

法身流轉五道名曰衆生是則衆生清淨覺地即諸佛平起因地但以無明障蔽日用而不知故勞我世尊特現身三界俯順群機指示各人本有佛性以衆生迷未之

卷之二十一

庚辰深秋然會疎不懶尋蹤出鄉林會於深

80

1 2 3 4 5 6 7 8 9 100 1 2 3 4 5 6 7 8 9

矣無明日厚障蔽日深非觀照無以通之故設三觀妙門為悟心之要良由根鈍不能圓脩故散出一代時中初說空觀以破見妄煩惱次說假觀以破塵沙後說中觀以破無明又以先後歷別漸次不能

圓證一心故說首楞嚴大定以統攝三觀圓照一心頓破無明是為圓頓法門然其文該三藏教攝五時十界聖凡迷悟因果纖悉備殫而學者智淺心麤以文廣義幽艱滯難通况離言得意妙契一心者

乎若夫至簡而精至切而要者無尚

圓覺之最勝法門也其文不過一萬三千餘言統攝無邊教海該羅法界圓宗徹一心之源歷三觀之旨偏正互換單複圓脩搜窮

妄寧批剥禪病而悟心妙門一超直入是所謂法界之真經成佛之妙行也頓悟頓證如觀掌裏西來直指秘密妙義此外無餘蘊矣凡學佛者莫不以此為指南者圭峰禪師若有畧疏則似簡別有小

鈔若太繁然文有所擇格則義有所不達義不達則理觀難明理觀不明則恍忽枝歧而無決定之趣矣予山居禪暇時一展卷深有慨焉於是祖疏義而直通經文貴了佛意而不事文言故作直解


以結法緣草成適新安覺我居士程君夢賜聞而欣仰乃因居士吳啓高特請以梓之予因歎曰佛說持四句偈勝施恒沙七寶之福以寶乃有漏之因法乃成佛之本較之天淵此吾佛金口稱讚也程君

法施之福無量當興虛空等美敍  
題於後令觀者知所自云

天啓二年歲次壬戌仲夏望日

中興重溪嗣法渺渺愁山

釋德清撰



大方廣圓覺經直解後序

原夫羲畫文繫聖人緣此標言什譯安研  
梵氏因而衍教非生智識莫問鑽求夏虫  
不可語冰火齊方能照夜自漢徵宵夢華  
徙胡像八聲九部篇籍競埒於五車四辯  
三空授愛不摹於一貫望門而入者每挂  
於眉尋軒而登者屢躋其步雖慈雲普蔭

80 1 2 3 4 5 6 7 8 9

90

1 2 3 4 5 6 7 8 9 100

法雨頻傾而能借灑潤以濡心仰覆被而  
超神者抑亦鮮矣若乃圓覺真經尤是佛  
祖妙諦圓何所圓覺何所覺至矣哉孰得  
而思議焉維唐李峯禪師了其旨歸精為  
疏註可謂獨豎幡幢直提今古庶鏡花水  
月何常有定影定形美玉純金不妨於再  
彫再鑄屬有匡廬大師慈山者稟姿擢幹

秀含耆闍崛之山滌慮潔情淨引阿耨達  
之水猛力精進於披鎧戒行瑩徹於懷珠  
一汎慧舟長遊覺海牙籤縗袞現於墳開  
壁壞者靡不賅融玉檢金函載夫地涌粒  
藏者悉從淹洽稔持圓覺透其包括西來  
務彈參窮闡是圓靈上品句詳節解理串  
脉聯拔新濯故之餘筆花逐寶花齊隆相

印合符之際。宇葉等貝葉呈芬。顯隱畢彰。  
光明迥放龍宮。遽失其深。驚岳詎云其峻。  
蓋真源實相。久伴於趺趺。故闢戶開牖。卓  
立夫見解。比常踞座。揮塵吐論。展義洋洋。  
匝長河之鴻流。隱々擬洪鐘之待叩。茲者  
藉銀不律。代鐵如意。剗鴻濛之未分。收象  
罔之所。得遂令四八慈容。更生歡喜。二六

大士共作威儀洵乎先悟後悟俱具法眼  
此說彼說總啟禪關且天孫鯁人不必同  
機而織摩尼纓絡允堪並篋而珍圭峰無  
二憨山惟一矣賜也根斤不穎器鈍欲鎔  
睇法橋企足知趨對經藏牆面難覩捧斯  
註集得未曾間竊意憨師婆心最熟佛願  
克弘特付棗梨為廣流布又通憨師劫來

龍藏於此

災難憑向磨礪業非設阨於推山自應消  
危於醉象因緣闡誥盛護慈悲大眾奉傳  
宜加默體沾甘露以解惑霜傷慧炬而驅  
覺路則人不負師肯師可報佛恩矣凡若  
千卷勒成一部題曰圓覺直解其它所註  
儒書釋典已升於世未易縷數幸寶輪之  
常轉法併金鐸不難辨聲倘云此為文字

之禪則世誰稱緘默之慧散圖讚歎致妄  
敷揚

明天啓壬戌中秋日新安內史程夢暘拜  
述



80

1 2 3 4 5

6 7 8 9

90

1 2 3 4 5

6 7 8 9

100

1 2 3 4 5

6 7 8 9

10

血  
雨天鵠志為中使日。清安山大夫  
魏  
一  
華山書院藏



80

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

六十七